

敘州府志卷四

山川一水利附

惟茲犍郡倚山帶川朱提南矗錦瀨東環冰燒通汲
馬搏蛇盤躡阻貴警浸漑匪鷄按圖可說敢告時賢

述山川第四

宜賓縣附郭

登高山 治東隔江一名東山險固可憑宋咸純中

移郡於此遺址尙存上有報恩寺塔高二百尺縣志

國朝朱爾邁詩匹馬登城暮蒼涼極望閒青衣天半水

烏撒瘴餘山風激邊笳裂霜危峽草斑獨攜雄劍在

敘州府志

卷四

山川

一

宜賓

長嘯拂金環繁江李壽萱遊東山詩步出城東門楊士

奇四顧山在目韓維愛此林壑清薛瑄攀蘿去相逐黃譜仰

首歎嶮巖歸莊塔勢如湧出岑參○白塔山半遙聞鐘磬音

史鑑東去入修竹韓維梵王宮始開錢起臺觀當山腹秦觀○山

腰有東院嗟予來遊觀李德裕優游從所欲王禹偁朝來暮

忘返元結委蛇散腰腳陳與義相識惟山僧岑參賞眺還自

足王安石何因此間棲楊士奇不受塵事觸韓維詩以示兒

曹韓愈清心拂塵服柳宗元○新附

天柱山 治東北層岩怪石俯臨大江又名催科山

故老相傳山石自隕郡中必有登賢書者縣志〔邑人李

暢春日天柱山遠眺詩放眼乘空去春郊引興長山
山含嫩綠樹樹夾輕黃邨暖流光結花飛落點忙太
平全有象鳥語送笙簧放眼乘空去春山出斷雲清
流環綠影淑氣暖香薰野燒明迷發田歌雜還聞兩
江隨俯仰風景自氤氳放眼乘空去春田得幾灣驅
牛人陌上汲水嬾桑間燕剪臨風疾鶯梭織柳閒開
懷恣遠引長嘯入烟鬢放眼乘空去春江護小城天
和雲襯錦沙白鳥翻晴晚艇隨波下朝霞隔岸明何
當輸好景片片脫紅英新附

師來山 治北一里俯瞰郡城上有真武祠俗呼爲

敘州府志

卷四

山川

二

宜賓

真武山昔有人浮舟於此忽見一道人自空而降峯
頂卽之不復見土人呼道人爲師故名山腰有清泉
一石分爲四洞一名仙侶洞相傳宋楊道人昇仙之
地山產仙茅楊仙遇鬱姑於此因得食仙茅之法今
山後有鬱姑臺縣志〔邑人周潛修古師來山碑記師來
山發源於峩眉蜿蜒透迤由西北而南下蓋卽郡城
之祖山也山高可六七里巉而不削骨而不膚直而
不孤秀而不露曠而豁曲而幽側而峯橫而嶺如太
華之有少華太室之有少室太岱之有梁父真靈區
也出郡北郭二里許卽爲山麓小阜突起峭拔峻嶒

昔人伐石爲梯約二百餘級稍得平地俗所謂頭天門也建有關帝殿循此而上如蛻龍之脊爲二天門再上爲三天門更進數武勢頗平衍前爲靈官殿後側爲救苦殿中則築石爲台構樓其上樓高數仞寬廣如之上可坐數百人下可建數丈之旗窗櫺屏榻皆可去取是爲望江樓凭欄而眺則翠屏七星東山赤崖諸峯四面旋繞或遠或近或起或伏如侍如立如揖如拱俯視城郭萬家烟火六市喧闐雉堞參差亭榭歷落郭外雙江環之飛帆巨艦小艇漁舸爭出沒於煙波浩淼間如披畫圖焉若夫四時之景象風

雨之晦明千彙萬狀變化儵忽亦奇矣樓之下有谷澗水沮之跨以石橋橋下聚水爲池池之北有小殿折而右則山徑紆迴凡數折始至第一峯卽元極宮也宮後爲釋迦佛殿最後鬱姑臺遺址猶有存者其西則斗母宮三府宮文昌宮星羅碁布前人之修創備矣然不過百數十年而高樓旣已傾曲沼亦已平樓閣欹斜殿宇頽壞卽三天門之豎石建坊亦皆砉折礎崩蕩然無餘此盛衰之變古人所感慨係之者乎寺僧源海稽於眾謀所以新之者始於正殿浩劫崇階整齊嚴肅琳宮梵宇金碧輝煌燦然而奪目也

樓則易其簷楹治其榱桷庀材鳩工翼然如締造也
橋則窮其形池則濬之深儼然如金湯也三天門之
坊次第重建突岨撐空高低相映屹然如鼎峙也其
入山之路向之崎嶇詰屈者皆以石級魚鱗櫛比之
而兩旁復以盈丈之石鈎連繩貫上下砥平不軒不
輕往來者有觀遊之樂無登頓之苦焉至於鬱姑之
臺因其舊而增築之高曠平原可憇而山之全境畢
矣他如山中樹木從前之厄於樵夫牛羊者今則衛
以牆垣袤延數里而繁蔭垂條參天蔽日其纖芥不
忽又如此嗟乎昔年荒穢貽笑山靈此日重新倍添

敘州府志

卷四

山川

四

宜賓

勝概自茲青松垂蓋白雲棲崖野鳥能歌山花解語
而源海之功偉矣予郡人也以歸組居田遊而樂之
詢之曰斯舉也爲因爲創不遺餘力子操何術而能
辦此源海曰是我佛之靈諸檀越之助僧何有焉爰
丐余文以垂不朽因爲之總記其事以勵夫後來之
主此山者明顧汝學早春同郡伯劉三樂郡丞李廷
謙別駕周時烈登元武山詩元武山從郡北開喜逢
淑氣自東來烟光縹緲峯頭見霽色紛披江上回漢

將忠存懸日月

山有關帝廟

文昌星燦映樓臺

山有三峯一峯爲

三臺書院內

行春自是宜公等時借登臨一舉杯

國朝邑人樊曙師來山遠眺詩盤紆石磴聳雲中極目
憑高見遠空錦水西來環郭北鐘灘南下繞城東臺
邊人去仙茅長洞口春深木葉叢盡日晴嵐看不厭
笛聲吹入梵王宮邑人胡瀛遊師來山詩三台聳拔
秀而靈作我草堂西壁之畫屏開簾望遠涉前庭歛
見雲白與峯青行行直欲跨山巔且緣石磴上雲邊
嘯天門兮風冷然應知師來之山別洞天危樓憑虛
起怪石砌橋底百尺荷潭清龜龍得不死路轉峯回
身益高蒼崖老樹宿烏號洞亭敞豁七星朝宮闕熒
煌插漢霄降魔作鎮驅妖嗥駕鶴真人俯江臯左右

敘州府志

卷四

山川

五

宜賓

迴廊鐘鼓嘹石磬鏗然月下敲鬱姑琪草非凡物何
怪飛錫來幽谷獨是當年採藥人一去千載空雲屋
瑤池信息終杳茫紛紛塵宇烟光速我思仙源路不
迷重來曠土胸次奇丹爐邱壑恣搜討流水桃花自
得師何源濬登師來山詩老鶴由來萬里心白雲高
臥羨華陰鬚眉禮佛無塵慮時度眾生時獨吟學道
何須覓普陀隨緣結室白雲窩從前世事渾如夢萬
法歸心蘊太和張官紀登師來山詩玉洞真人去不
還白雲深鎖翠屏烟石牀丹藥空塵蘚瑤草僊茅益
世年二水奔流滌故壘七星繚繞映遙天老僧漫說

無生法鳥語花香盡解禪
郭鑑庚遊師來山詩支持
清興覓閒遊郭外斜陽寺
外樓四塞山河摧漢鼎一
山風雨下戎州槎牙馬骨
誰償價落拓萍蹤易感秋
如此頭顱成就少悔將心
事負林邱樊肇新偕友人
遊師來山得識古洞詩昔
有仙人擬喬赤煉氣師來
穴崖石黃鶴飛去已千年
古洞留霞媚晨夕畢竟仙
源識者稀蒼茫我亦尋眞
迹老詹一往有情深約我
來遊躡謝屐寒林晚葉風
蕭蕭曲徑蒼崖雲冪冪洞
府無塵石氣清藤蘿拂袖
衣痕碧二兄奇人有奇膽
先我緹幽探靈秘豈應尸
解遺雙棺石槨依稀戀仙

敘州府志

卷四

山川

六

宜賓

魄信知天地有奇境清淨
自與囂塵隔以我不見疑
古人未免迂拘廢書策出
洞惘然還自迷回頭共憶
武陵客分明福地記鄉嬛
不圖生面從今闢明朝共
際風雲會萬里蓬瀛俱咫
尺季壽萱遊師來山詩重
岡北面起甫杜天際一山橫觀李始知靈境絕起錢登望宜
新晴結元偶與二三友祺李昌喜逐松逕行結元騰騰上天
半翺韓巍峩宮殿明義朱光高標跨蒼穹甫杜景與玄閬并
胤孔天我來亦何事子朱戀此山水清軾蘇永懷契天遊崧劉
縹緲覺身輕頤周愷故人具雞黍然孟浩有酒共我傾結元
酒鋒精似將弼周酒味濃於餽易白居爲樂當及時詩古但

恐負平生居易請君莫言旋元結此樂未易名陸游山光

忽西落孟浩然歸鳥趨林鳴陶潛日暮浩歌還錢起清吟和

松聲陸游興至偶成篇朱子隨處有詩情陳義與〔邱晉成登

師來山詩攜筇越重闈履蘚陟高嶺寒湫渟巖腰飛

樓冠榕頂峭嶸覺天近蒼蔚使山暝拂衣避犖确捫

葛索幽隱紺宇何年闢荒臺翳榛梗尙想姑射姿驂

鸞憩靈境蘿洞秘精魂丹訣成孤迥探奇及芳辰賞

心愜勝引石壇玩修柏雲房啜佳茗遠岫銜半規戀

戀桑榆影撫往企僊躅眷新惜韶景覽物答長謠清

興期共領新附

敘州府志

卷四

山川

七

宜賓

按縣志有七星山在慶符境今刪

三台山 卽師來山聯屬三峯也右一峯爲元極殿

左一峯爲禱雨壇俗呼爲鍋底山中峯特峙明隆慶

初建三台書院於此邑人周爻有記縣志

翠屏山 治西與師來山相連山色四時常青故名

舊有翠屏書院後移建城內改爲眞覺寺今復設敷

文書院縣志〔邑人胡瀛翠屏遠眺詩〕斷續雲橫面面山

翠屏深處古禪關石城遠控雙流外烟火高騰萬樹

間卻厭世情多眼白不愁歲歉且心閒從茲接引天

衢路笑著前鞭任往還〔李壽萱重九登翠屏山懷古

詩重疊西屏對面開潘興路無車迹長蒼苔周邠雲晴

乍見青山出周敘吟苦須驚白髮催譚用之萬事忘來尙

憂國陸游百年多病獨登臺杜甫殷勤借問溪邊叟北地野

底真成有劫灰聶夷中○咸豐己未秋李逆踞日燒殺甚多○新附

望城山 治西五里由少峩分脈蜿蜒而下至此望

府城金城萬雉闐闐千家二塔高標雙江環抱圖畫

天然新訂

仙侶山 治西十五里山有石洞洞中石牀石竈猶

存相傳宋楊仙嘗燒丹於此縣志通志俱謂師來山

卽仙侶山誤新訂

敘州府志

卷四

山川

八

宜賓

桂叢山 治北其上多桂因名縣志

赤巖山 治西北二十里崖岸壁立俯瞰大江色若

綺霞華陽國志僊道縣濱江有故蜀王兵欄神作大

灘其崖嶮峻不可鑿李冰積薪燒之其處懸崖猶有

白赤元黃五色魚從楚來至此而止言畏崖嶼不敢

上也通志又另有朝陽崖而注此於下蓋不考之故

或曰公孫述以岑彭來伐使侯丹將兵拒之於黃石

卽此縣志〔學使黃琮赤崖山李冰燒蜀王兵欄處詩火

雲四月生炎歊野燒烈燄紅徹霄驚呼三老迴輕舸

榜人謂我毋聲噍昔秦太守殊英豪溷崖斲山斧手

操披髮入江神與麈兩牛一綬白縛腰神若鼃鼈縮
項逃江入熨道山崿嶠蜀王造作兵欄牢積木蔓草
紛旌旄陽侯其下爲穴巢蹴天巨浪掀銀潮施斤斧
奈石嶠嶠仰天大呼迎赤燁柏翳乘霧來相朝炎官
幢燾飄紫綃鑽木出火相焚燒魑魅著煙聞呼晷頰
鱗蔽江魴鯉飄岵崖墮石厭六鼇江行萬古無波濤
聞言感歎靈昭昭欲報祀恨無牲牢陳以藻奠以白
醪一帆幸助風刁刁五色迴首瞻山椒駁霞尙疑赤
城標新附

可峯山 治西北七十里一名梯雲嶺唐志戎州有

敘州府志

卷四

山川

九

宜賓

可峯鎮蓋置於此寰宇記作可無山縣志按寰宇記宜

賓下可盧原注原本無山在邑界縣志所引乃其誤本通

志可峯山下引寰宇記宜賓有可雲山卽此亦誤可
雲山在歸順廢縣下又一山也

可雲山 寰宇記廢歸順縣在州西北三十里亦熨
道地可雲山夷都山俱在縣界按郁鄆廢縣在宜賓
西北一百六十里歸順從郁鄆縣析置亦必在縣治
百里外今縣西北夷中諸山高與雲齊卽東坡所謂
夷牢亂山也可雲山必在此間夷都山見屏山志
黃魚山 寰宇記熨道下山水瑩靜岩中惟生女貞

樹〔按縣志未載通志有

亡起山 〔寰宇記夔道下岑起於此故曰亡起山按

山名疑有譌字縣志通志俱未載並新
增

天倉山 治西前代屯兵墩臺遺跡尙存崖壁有唐

乾封二年詹君秀復修古戎州道記縣志

朱提山 治西五十里昔產銀縣志〔按通志云去府太

近當非漢時故山縣志又云唐之朱提縣以此得名

誤

高山 治西北一百里上建有川主廟禱雨輒應

汪泉山 治西北六十里

敘州府志

卷四

山川

十

宜賓

少峩山 治西四十里上有少峩寺遺趾甚大前有

古碑大書少峩山三字今人皆呼爲籐竹山不復知

有少峩也舊志與省志皆不載並縣志

大梁山小梁山 原按元和志大梁山在開邊縣南

六十里小梁山在開邊縣南四十七里又方輿勝覽

作大小黎山寰宇記謂大小黎山四時霽霖不絕俗

呼爲大漏天小漏天而郡志又載青山在治西五十

里統山在治西六十里是大小梁山之外又有青統

二山矣邑人樊星煒作梁山寺募疏曾辨之蓋大梁

卽統山小梁卽青山也縣志〔按宜賓西北及屏山馬邊

夷界有大涼山小涼山疑卽此

太平山 與大涼山相連屬其高插天鄉人皆呼爲
皇天頂乾隆癸未邑令初元方與明經陳光顯往遊
見一古鐘鑄云山名太平寺亦同之因葺其寺作記
勒石而太平山之名始著

定誇山 治西一百里山產荔枝多屬廖氏黃庭堅
詩廖致平家綠荔枝卽此山所出

洞山 定誇山之後有洞容數十人上有一覽亭登
眺爲勝並縣志

石城山 治西一百六十里山勢高峻環列如城卽

敘州府志

卷四

山川

十一

宜賓

古石門道也獻賊之亂民上山避之賊黨馮雙禮攻
山殺人約萬計血流成聲縣志〔名勝志唐書韋臯傳石
門卽隋史萬歲南征之道故有詩云石城門峻誰開
闢更鼓悞聞風落石界天白嶺勝金湯鎮壓西南天
半壁〕按石門道在慶符縣此山非入滇所經之道唐
書蓋因韋詩有石城門峻之語而誤後人遂以石城
山爲石門山也

寨頂山 石城山南縣志

夷牢山 治西北一百四十里夷人謂樂爲牢蓋其
聚樂之山也縣志〔方輿勝覽在宣化縣界南二蘇有遊

宜賓見夷牢亂山詩卽此明統志在府城南一百里
采蘇軾詩江寒晴不知遠見山上日朦朧含高峯晃
蕩射峭壁橫雲忽飄散翠樹紛歷歷行人挹孤光飛
鳥投遠碧蠻荒誰復愛穠秀安可適豈無避世士高
隱鍊精魄誰能從之遊路有豺虎迹蘇轍詩江流日
益深民語漸已變岸濶山盡平連峯遠飛漢慘慘瘴
氣青薄薄寒日暖峯巒若崖石草木條幹短遙想彼
居人狀類麕鹿竄何時遂平定戍卒從此返通志
乳洞山 治西南六十里有泉如乳一名浮洞峯縣志
萬家山 治北一百四十里路通榮縣

敘州府志

卷四

山川

十二

宜賓

鹿腳山 治北一百四十里其山足蟠曲如鹿腳故
名

溪龍山 治北一百五十里泥溪場側前有古刹樓
閣今圯山後有古洞鄉先輩題咏極夥惜多散亡

迴龍山 治北一百六十里上建松林寺明時古刹
獻逆之變惟餘瓦礫雍正五年重建

青竹山 治北一百七十里

印把山 治北百八十里義上鄉兩溪合流之中突
起石山高十餘丈

大山峽 治北一百七十里距青竹山相近以上舊稿增

菩薩頂 在治西〔輿地紀勝〕宣化縣南秀峯突出爲
菩薩頂故老常見聖燈縣志

仙侶洞 在仙侶山〔邑〕令平廷鼎遊仙侶洞詩古洞
尋仙仙未留空餘勝蹟在峯頭藤蘿石上飽霜月雲
樹巖前臥野麀丹法不傳爲世用藥苗猶自聽人收
深慙束帶官斯土那及昔賢勾漏謀〔阮〕鏜遊仙侶洞
詩人醉鴻相親雪消花未老上游春水生煖風吹古
道閒來秉燭洞中遊多情常爲此淹留仙翁及此傳
丹訣莫遣蓬壺笑白頭新

水簾洞 治北十五里有瀑布如簾下垂宋黃庭堅

敘州府志

卷四

山川

十三

宜賓

題曰水簾奇觀舊有奇觀亭今廢縣志〔宋〕黃庭堅水簾
洞詞一水飛空揭起珠簾全幅不須人捲不須人軸
一點不容飛燕入些兒未許游魚宿向山頭欸步聽
疎音清如玉更看兩邊瀟灑數竿修竹曉倩碧煙爲
繩束夜憑星月爲鈎曲問當年題品是何人黃山谷
〔國〕朝敘州通判張官紀水簾瀑布詩翠壁連霄漢銀濤
瀉九天薜蘿纏雪練瑤島掛冰絃怒吼山花顫涼侵
倦眼鮮俯松凝睇久奇境使情牽〔阮〕鏜水簾奇觀詩
飛泉一幅影重重敲戶能來波底龍鶻語頻催春欲
暮蝦鬚禁斷客相逢不須削竹編春色若箇投梭憶

阿儂問路銀河應未遠藐姑人下最高峯季壽萱水
簾奇觀詩晴山喜見曉巘岫范天設飛梁跨急湍崇

禮泉挂珠簾當洞口卓程風吹歌管下雲端韓十分春

水雙檐影徐一片冰壺六月寒戴復天下奇觀更何

處虞大老夫要作畫圖看周必大

朝陽洞 治北三十里洞大如屋以其南向故名其

崖亦謂之朝陽崖

鐵寨洞 與石城山相近境最幽僻昔人嘗避兵於

此

大江 在治北卽岷江也自嘉定府犍爲縣界流入

敘州府志

卷四

山川

十四

宜賓

經宣化故城北又東繞郡城而東南合馬湖江又東
南入南溪縣境

馬湖江在治南一名瀘水一名金沙江卽若水之

下流也自屏山縣界東北流至西南一里有蠻津口

合石門江又東合於大江

橫江 縣西南一百三十里一名石門江又名小江

源出烏蒙蠻部入縣境東北流九十里合馬湖江中

有灘其水常若鐘鳴因名曰鐘灘

按縣志石門江後有存水青衣水誤今刪正詳後
水道

馬鳴溪 治西十九里俗呼爲龍馬溪源出慶符縣
西北山流入馬湖江相傳土人鄭氏牧馬於溪上產
一龍駒一日振鬣長鳴入於溪中故名

浞溪 治西北一百七十里相傳有阿浞者居其旁

故名卽今月波驛

並縣志

楊公溪 在月波場下源有二十餘里

新增

泥溪 治東北一百六十里溪有三源約九十里入
江自黃河洞茅壩子大雄壩三處合流經白馬場兩
坪場過出泥溪中有小溪地名黑蕩子土人相傳每
天旱向蕩中車水至現神像卽雨屢應溪口卽泥溪

敘州府志

卷四

山川

十五

宜賓

場邑令朱琦以泥非美名更名金紫溪〔唐岑參東歸
發犍爲泥溪舟中詩前日解侯印泛舟歸山東平旦
發犍爲逍遙信回風七月江水大滄波漲秋空復有
峩眉僧誦經在舟中夜泊防虎豹朝行逼魚龍一道
鳴迅湍兩邊走連峯猿拂岸花落鳥嘯簷樹重煙靄
吳楚連沂沿湖海通憶昨在西掖復曾入南宮日出
朝聖人端笏陪羣公不意今棄置何由豁心胸吾當
海上去且學乘桴翁

國朝李壽萱泥溪舟中卽景詩江上逐馳波

郭奎

佳游興

若何

康海

獨隨流水遠

李祐

嘉

偏與好風過

錢起

碧浪搖檣

影王超青山入棹歌殷士儋數家枯柳下周弼向日理漁蓑

孟洋新
增

蠻洞溪 在乾柏樹下三十里黃天埧對岸源止十

餘里新
增

蕨溪 治西北一百六十里新
增

越溪 治西北一百二十里發源簡州山中歷井研

仁壽至榮縣之牛潦橋始通州楫七十里為越溪俗

呼為登頭溪南入大江縣志 邑人樊曙越溪記發源

於龍泉山名在簡州入江於虎跳山名委蛇曲折將千里可

舟行將五百里屬吾宜則二百二十里吾記溪之屬

敘州府志

卷四

山川

十六

宜賓

吾宜者十里為小湓又十里為大湓小湓大湓俱灘名 溪口

也亂石嵯峨驚濤澎湃為沈潭為淺澗為絕壁為沙

灣為千尺龍門為一線巫峽如華表如夏屋如猛獸

出藪如大將當關如聯珠如銀榜張懸船筏至此必

經三易是一溪門戶也過此則開豁每十里必一折

五折而成巨觀自大湓至魚窩水勢不齊兩岸多高

嶺長籐古木怪石奇花哀猿嘯雨叫鳥呼晴經過其

間有淒涼寂歷之狀懷鄉去國涕淚沾裳者矣自魚

窩至龍沱清湍素瀨岸濶山低心眼頓開歌吟互答

於是居人朝採蕨暮飯半夜火取魚晨繒弋鳥可以

挹清風可以泛明月三程起蟠龍宋程公許兄弟三

院書二尹留康樂明尹仲子長庚長祥俱為時名士董元宰題其堂曰康樂高人隱

士所盤旋而流連者也自龍沱至魚溪一往靜深間

以石梁蒼松半嶺翠竹連岡有長延之曼坡有曠渺

之平陸桑麻蔚蔚稔稻芄芄曲曲如遊武夷潺湲如

下巖瀨晚鐘發響於貨市寺名朝雲往足於團標亭名則

見夫漁艇放謳樵林奏韻童子鼓篋老翁荷鋤地似

鄒魯民如懷葛舒情天地有不屑屑人間者焉自漁

溪至劉營半淵半磧碧波漾漾白石磷磷魚舅晒日

水衣牽風絡繹魚笱稠疊水舂行其中擬尋源天漢

敘州府志

卷四

山川

十七

宜賓

居其土恍避世武陵殆入山之最深者乎溪之屬吾
宜全局如此此二百二十里人無異習家不殊風飛
走草木大抵相同其禽則花眉文雉箐鷄白鷓醉老
春哥打魚啄木以及夫水鸛鷺鴛鴦鷓鴣靡不集
於溪中其獸則羣熊諸獾山羊水鹿老獾豪豕松鼠
竹牛亦有獨角之羚三蹠之虎祭天之獺與豺靡不
藏於溪畔其木則奇松怪柏建木杉條紫荆白楊山
桃橡栗珍果十二翠竹十二悉喬繇於溪之曠土其
草則芳蘭五種大藥百叢茵筍芹蒿可侑食荷菱葛
蕨可療饑亦有七里之香九節之蒲黃茅白葦紅蓼

綠莎悉衍茂於溪之水涯與山阿當其春夏錦繡迷
空青蒼挂壁及夫秋冬煙橫絕壑風動殘林而鳥語
獸聲四時不歇悅耳怡神形形色色各有天然圖畫
焉在昔盛時溪之居民不下十萬口余聚族處其間
亦將千戶無遺穗無棄薪無不耕之土牛羊成羣雞
犬相接五里十里日中爲市學堂齋舍詩書鐘鼓之
音不絕休哉太平之盛也胡爲一經兵燹頓成邱墟
二百二十里寥寥數十家田蕪於莽路阻於藤鷲鳥
猛獸橫行奇花古樹冷落於蔓草荒荆今日之越溪
非昔日之越溪矣遂令寓目傷心撫今追昔潸然涕

敘州府志

卷四

山川

十八

宜賓

淚長隕溪濱若夫闢草萊驅虎豹俾山川生色民物
阜成則不能不望於休養之代撫字之仁人矣倪元
璐越溪圖跋觀夫三士致謀五丁畢力狩峨青於別
磴延岷泚於旁瀾鈐雲轄霞雕岩繡壑奧文佶曲逸
味鮮清誠三典之殷盤景筵之珧柱棲其界者苟非
八叟定亦雙童將皆分陝仙凡割溝元白然其靈不
闕日亦以章昔之三程躍其池鍊今則二尹尹仲子
長庚
祥俱有
時名著於宮鐘夫踪絕漁樵而大夫去之役戎馬
之場代沈魏晉而文學就此探天人之策原其飛光
淝水通隱金門非爲抱梁固足貴也若江招招何其

磊磊或才方藻國有陳子之霞紆或名已傾都爲余
生之雷响各無滯骨真異枯禪既盛世之有桃源卽
酒人而可蓮社故得貌其幽韻體以文綃則有應物
之能存形之手加毛溪頰點睛石眸道元致嘉陵之
功右丞極輞川之狀夫使處則境皆圖畫出則袖有
雲烟非夫名通不具此致也若乃尙平結遙盟於畢
娶宗炳開便法於臥遊則不知武溪亦男女其中華
山有馯魴於外而此二子倘亦情疎野鷺心畏真龍
乎

原注陳太史盟余別駕盛山人李
應聘工繪事皆卜居溪上○新附

眞溪 治西北一百二十里二源一出三台寺山繞

敘州府志

卷四

山川

十九

宜賓

小老君山麓迂迴而出水清冽灌溉甚溥亦名小眞
溪相傳張真人三丰嘗居此舊志云有眞姓者居之
誤一出老君山右之匍山會諸山水歷巖門出苦菜
洞入縣界與小眞溪合流由官印灘東注龍淵沱會
九曲溪水北流入江溪中有石長二丈許浮水面如
初月鄉人呼水天新月明尹伸牛口發舟泊眞溪聊
述所歷詩江行每娛心十七在崖岸以茲取泝流耳
目精於漫一嶺方百里削成獨南面霽雨夏來多懸
淙不可斷短者能數疊長及行人骭巖樹紛灑濯聲
光無暮旦陡然絕壁間雕刻窮炳煥千佛盡一身慈

容儼分散經行非靜者竝作如是觀怒波迫其趾得
失爭一線續竹百許尋挽者身如彈蹭蹬亦有時偃
臥無防晏所欣新月來累厯華林換悠悠無可同琴
書有餘玩新附

關刀溪 治東北八十里源出山後數里環山麓入

江新
增

槳腳溪 距關刀溪數里溪口立石高丈許首銳如

文筆俗呼槳腳卽此新
增

黃傘溪 在高場對岸源約二十里新
增

赤水溪 治西北七十里溪水色赤每際夕陽在山

敘州府志

卷四

山川

二十

宜賓

一線赤流與丹山碧水相映流光滿目若天際飛虹
焉溪內有橋名永樂橋明天啟時何一貫建新
增

大秋溪 治東南十三里昔有鹽井見元和志

蘇波溪 治東北三十里源出赤崖山瀑布千尺其

山有潭祈雨輒應一名思波溪縣
志

涪溪 治北對江黃庭堅謫涪州別駕安置戎州遊
而樂之因名溪邊石崖上鐫有涪溪二字大五尺餘

云山谷書縣〔李嘉謀記〕紹興初章蔡用事山谷以史

官得罪安置黔州二年移戎州游是溪而樂之自號
涪翁故名涪溪其側有安樂泉亦山谷所名源出桂

叢山下入大江新附

五子池 治西五里周廣數百丈中峙五石羅列頗

勻遊人每攜樽臨池以爲樂其四旁產五色石明潤

可玩縣志李壽萱偕袁魯珍廣文遊五子池詩仇池玉

色自玲瓏蘇軾何處飛來縹緲中趙師秀怪石盡含千古

秀羅業閒遊曾與二人同楚令狐潮生海口微茫白趙師秀

日射波濤上下紅楊萬里暫得登臨已忘去程顥浴沂好

詠舞雩風陳邕新附○

天池 治西二十五里一名滇池縣志〔通志引寰宇記

其池長五十里濶七里深十餘丈〕方輿勝覽滇池在

敘州府志

卷四

山川

二十一

宜賓

州西二十里中有芰荷別駕牟孔錫詩天池十里如
鑑湖荷花可折魚可膾名勝志滇池與天池相連大
者廣一里長五里小者廣一里長三里其中有石橫
亘南北如橋梁狀往來由之唐韋皋天池晚照詩雨
霽池塘生意足花開誰詠採蓮曲舟浮十里芰荷香
歌發一聲山水綠春暖魚拋水面綸晚晴鷺立波心
玉扣船歸載月黃昏直至更深不假燭

國朝知縣平廷鼎遊天池詩曉來垂露到山塘香滿芙
蕖十里涼翠蓋密擎波自靜碧筒初試午方長盤堆
瓜李生春雪影出樓臺愛夕陽槐下枕高眠未足遊

人談笑水雲鄉附新〔按天池長僅數里分內外兩池故

名勝志謂滇池與天池相連通志目爲淩波池引寰

宇記云長五十里闊七里皆誤蜀典千秋池卽淩波

池池卽馬湖在屏山縣西南三百八十里非此池也

瑞蓮池 治西九十里朱提山麓中有無種蓮花花

開則爲國家瑞兆因名志縣〔按縣志及通志此下並引

朱提縣千秋池誤千秋池卽今雷波之馬湖也

復魚池 〔舊志在治東宋張俞有記卽今泉麻池俗

呼爲洗馬池

志縣

安樂泉 源出桂叢山下志縣〔明統志在涪溪側味甘

敘州府志

卷四

山川

二十二

宜賓

美盛夏水冽冬月則溫〔宋黃庭堅安樂泉頌並序鎖

江安樂泉水味爲夔道第一姚君玉取以釀酒甚清

而可口又飲之令人安樂故予兼二義而名之曰安

樂泉爲作頌頌曰姚子雪麴杯色爭玉得湯郁郁白

雲生谷清而不薄厚而不濁甘而不噉辛而不螫老

夫手風須此良藥眼花作頌顛倒淡墨

志通

鹽漑灘 〔華陽國志南安縣下有灘名曰雷垣

水經注作

壘 一曰鹽漑李冰所平也蜀輶日記牛屎埭五里紅

崖寺一名赤崖古鹽漑灘也

增新

郁鄔灘 治西北一百六十里

伏犀灘 治東南六十里其崖險峻遠望班斲如黃
牛狀出寰宇記並縣志

蕭家灣灘 治西北一百五十里灘勢洄涌水洄尤
險季壽萱舟過蕭家灣灘詩一灣溪轉一灣清徐璣此

日中流自在行朱子風力漸添帆力健陸游下灘一日抵

三程楊萬里新增

活虎灘 治西北一百六十里泥溪西岸灘甚險惡

一山逆踞江心形如虎坐石壁上有天成活虎四字
今已坦夷更名太平灘舊稿增

石鴨灘 治西北八十里冬季水落石鴨纍纍如羣

敘州府志

卷四

山川

二十三

宜賓

鳴之浮沈舟行處江面僅寬丈許必三四折別有怪
石如魚長二三丈又有三怪石俗名三戈椿水勢橫
流諸石搏擊屢遭傾覆道光十年知縣朱琦捐廉鑿
之灘險悉平李奉璋節碑記〔季壽萱舟過石鴨灘詩一石
橫來一石蹲楊萬里漲深水過去年痕陸游舟人努力雙
篙急樓鑰逆上波濤吐復吞蘇轍新附○

龍漩灘 治西北四十里季壽萱舟過龍漩灘詩一
天南蕩想行舟林光朝江水中間自在流朱子順逆自從

人意轉王炎倒將船尾作船頭楊萬里並新增○

偏倉灘 治北五里季壽萱遊偏倉江上卽景詩疏

璃拍岸浪成堆

沈與求

雪澗奔騰怒吼雷

朱子

翠壑蒼崖

增惝恍

王鏊

孤雲秀壁共崔巍

陳師道

巴人淚應猿聲落

劉禹錫

賈客船隨反照來

杜甫

獨坐肩輿懷正惡

游連

忘形

賴有子徘徊

張耒

牛口壩 在治西北七十里江邊巉崖有石如牛口

狀故名宋蘇軾夜泊牛口詩日落江霧生繫舟宿牛

口民居偶相聚三四依古柳負薪出深谷見客喜且

售煮蔬爲夜餐安識肉與酒朔風吹茆屋破壁見星

斗兒女自呶嘍亦足樂且久人生本無事苦爲世味

誘富貴耀吾前貧賤獨難守誰知深山子甘與麋鹿

敘州府志

卷四

山川

二十四

宜賓

友置身落蠻荒生意不自陋今予獨何者汲汲強奔走又牛口見月詩掩窗寂已睡月腳垂孤光披衣起周覽飛露灑我裳山川同一色浩若涉大荒幽懷耿不寐四顧獨徬徨忽憶丙申年京邑大雨霧蔡河中夜決橫浸國南方車馬無復見紛紛操筏郎新秋忽已晴九陌尙汪洋龍津觀夜市燈火亦輝煌新月皎如晝疎星弄寒芒不知京國喧謂是江湖鄉今來牛口渚見月重淒涼卻思舊遊處滿陌沙塵黃蘇轍夜泊牛口詩行過石壁盡夜泊牛口渡野老三四家寒燈照疏樹見我各無言倚石但箕踞水寒雙脰長壞

袴不蔽股日莫江上歸潛魚遠難捕稻飯不滿盂飢
餓冷徹曙安知城市歡守此田野趣祗應長凍飢寒
暑不能苦增新

金魚井 治南隔江慶符縣界內黃庭堅嘗品此水

第一縣志

孝子石 治南馬湖江對岸隗叔通母惡瀕江水不
潔必得江心水乃飲舟汲苦迅湍不便後江心湧出
一石舟乃可依事詳人士類

貞婦石 府城南昔有貞婦夫歿無子事姑孝姑抑
之嫁不從終姑之世孝事不倦後婦歿所居之室有

敘州府志

卷四

山川

二十五

宜賓慶符

大石湧出後人號爲貞婦石

石梁 治西三里石上刻敘郡樞軸四大字

大石盤 治北八十里江岸大石寬平百丈有奇縣志

慶符縣

三台山 縣南一里上有白塔明嘉靖間建

掛榜山 縣南河岸三台山之下形如玉屏正對學

宮邑中科第相承以爲是山之勝

半月山 縣西三里西江寺山下明邑令張明卿建

得月樓於上

會歸山 縣東五里爲眾山之宗起跌朗然舊名斷

子山並縣志

石門山 在縣南五里卽古石門道也史記西南夷傳秦時常頗略通五尺道漢建元六年使唐蒙治道自僊道指牂牁江水經注唐蒙鑿石開閣以通南中迄於建甯二千餘里山道廣丈餘深三四尺塹鑿之迹猶存唐書韋皋傳石門者隋史萬歲南征道也自天寶中鮮於仲通下兵南溪北道遂閉貞元九年皋復治之遣幕府崔佐時由石門趨南詔十七年復遣威戎軍使崔堯臣領兵出石門南路攻吐番號曰南道唐地理志自開邊縣南七十里至曲州又四百八

敘州府志

卷四

山川

二十六

慶符

十里至石門鎮又共一千九百八十五里至南詔雲南城卽此道也宋地理志慶符縣有石門砦通典秦時五尺道卽漢唐蒙所治道也唐初置石門縣蓋以此山爲名明統志石門山在慶符縣南下瞰石門江其林薄中多蘭一名蘭山其蘭品類不一春蘭花生葉下素蘭花生葉上通志唐孟浩然秋登蘭山寄張五詩北山白雲裏隱者自怡悅相望試登高心隨雁飛滅愁因薄暮起興是清秋發時見歸村人沙行渡頭歇天邊樹若薺江畔洲如月何當載酒來共醉重陽節明曾省吾石門詩石門不容軌聊舍車而徒古木

盤空下寒流夾岸呼路猶疑虎穴村已競魚眾九折
甯非險清時自坦途

國朝林肇元石門詩世路荆榛迷當道豺狼吼滿目干
戈橫壯士牛馬走敘南石門關似擘巨靈手層山塞
其前湍流繞其右靈根動地開日腳謝泉紐征夫苦
經過行行重回首西蜀天下險此險復何有不有大
將才誰復長城守我從亞夫營劒氣沖牛斗恨不乘
長風頃刻掃塵垢一剪荆榛平再造干戈後還從赤
松遊放歌時縱酒新附

仙人山 縣南十里五公壩相傳有仙人聚飲於上

敘州府志

卷四

山川

二十七

慶符
卅八

故名

三海山 縣西十五里峯巒截壑下臨淵渚並縣志

七寶山 縣東十五里與高邑毗連縣志〔邑令張心至

七寶山寺詩七阜相連寶氣凝千霄插漢勢峻嶒霧

迷山脊千峯雨月照江城五夜燈碎吐寒光靈閃閃

重鋪晚翠碧層層中藏古寺囂塵絕鎮日間過補衲

僧新附

興慶山 縣南十五里縣以此名山腰龍洞旱禱輒

應通志

香爐山 縣北二十里山峯翠嶺石角作作有芒上

遺古寺在烟靄紫翠間

筆尖山 縣南二十里與紅巖山相映一峯千霄羣
山簇兀山中有清泉泠泠出石間古幹虬枝綺紛繡
錯尋勝者稱巨觀

石羊山 縣南二十里懷遠鎮西有石如羊突兀森
立有跳躍狀因以名山舊傳黍麥熟時常見有羊食
之恍惚隱沒卽石羊也其形迄今猶存

仙女山 縣南二十里懷遠鎮西舊傳有仙女寄跡
其上山頂平曠然登臨每覺寒氣逼人

迎祥山 縣東二十里宋置祥州以此名山

敘州府志

卷四

山川

二十八

慶符
川日

對峙山 縣南二十四里兩山對峙形勢如金蟾偃
仰翠映崖谷

四面山 縣西二十五里楞然四面每新雨後黛色
如染

九角山 縣東三十里數峯巒嶺危徑紆迴經九折
始達其巔

伏龍山 縣東三十里落岸壩水木清華三伏陰涼
如秋

大背山 縣東三十里脈從芙蓉山來盤旋數十里
巍巍矗立林木鬱茂人憇其下幽曠無比

並縣志

雲星山 縣東三十五里一峯突起四面平田下有
洞口廣數丈深不可測土人曾以火具入其中旋轉
上下廣狹不一未竟懼火滅而返志縣〔邑人何映雩雲
星山詩曾聞劒閣傍雲邊說道此山星斗旋應是曲
州靈秀處倒提文筆點青天新附
馬鞍山 縣東三十五里螳螂溪山石嵯峨或蹲或
踞望之如馬鞍然
四寶山 縣北四十里諸峯連絡纍纍如貫珠
金銀山 縣西四十里諸峯兀起天晴雲湧若金蟾
隱躍於銀浪間

敘州府志

卷四

山川

二十九

慶符

纏龍山 縣西北四十餘里狀如游龍

三角山 縣東南五十里秀出天外諸山蜿蜒爭趨
其下

龍珠山 縣北五十里乍起乍伏形如貫珠

八楞山 縣東五十里地名觀音巖山挺八楞舊有
八楞寺遺址尙存

朱提山 縣西北六十里三輪如爪上矗雲霄山多
礦廠硎數百遺跡猶存按此非漢縣故山特名同耳
楊蕙山 縣西北七十里小蒜壩草木森茂冬日不
彫

皂角山 縣西七十里弔樓子林泉杳渺古木森茂
小峩山 縣西七十里由朱提山逶迤十餘里環拱
相向中有一山相伴俗謂長腰山
石龍山 縣西七十里石龍硬山石崛起綿亘十餘
里連峯競險接嶺爭高
鳳頭山 縣西七十里山形峭拔頭如鳳首
石牛山 縣西七十里牛眠山下
鳳儀山 縣北八十里舊名獅子山孤高秀峙屹立
雲表昔有鸞鳳棲集其間相傳有古時獅子吼今日
鳳兒鳴之句

望鐘山 縣西八十里形似覆鐘二山在東南二山
在西北端拱相向羣嶂奔衛

漢陽山 在縣北八十里按慶符本故漢陽縣地通
志引一統志云縣東有漢陽山漢陽壩猶以故縣得
名
八角山 縣西八十里燕子巖之上數峯突聳霧氣
迷漫隆冬雨霰便成積雪名八角者以山巒分八岔
故也

安家山 縣西九十里脈自小峩山來巋然傑出上
有活泉清冽四時不竭

插旗山 縣西北九十里峭壁穹崖直侵霄漢

望馬山 縣東九十里沙河驛崇山峻嶺綿亘數里

方山 縣東九十里峯巒特起巖石峭立頂上平廓

廣數里水田肥美泉源不竭甲申之變里人避居其

間皆得免

寨子山 縣東一百二十里孤標危特石磴懸梯晴

日遠眺諸山在目洵稱絕險

並縣志

七星山 縣西北一百二十里七峯錯峙遠望如聯

珠塔居其中朗然可數明嘉靖間太守余良翰建塔

於上為府城屏障

縣志

〔邑人樊肇新望七星山懷五弟

敘州府志

卷四

山川

三十一

慶符

詩迢迢春淨雨餘山烟樹人家隱約間半嶺晴雲扶

鴈塔十分空翠擁螺鬟險崖雪重寒應摘古寺僧稀

靜益閒池草吟成康樂夢同懷何日共躋攀季壽萱

望七星山詩南望蓮峯簇簇青

韋莊

雲山濃淡自開屏

蘇舜欽

登臨自是多清興

鄭關

馬上持鞭數七星

歸子慕新附

金雞山 縣西北與七星山相連上有金鷄寺至今

寺毀遺址尚存

鼓樓山 縣西北與金雞山相連平頂周圓狀若大

鼓

望佛山 縣東一百二十里橫亘磅礴長五里巖多

古樹

佛現山 在七星山上二里高入雲端相傳有鳥鳴山頂聲云佛現故名天氣清明遠眺百里

天柱峯 縣東北一百二十里南廣灘北岸巨石如柱屹立江干每春水漲時游魚自下躍上張網伺之日捕數百頭建有魚躍亭

南岸壩 縣西南一百二十里在郡城之南金沙江口

符黑水 源出川滇接壤之汾關山至羅星渡與水車壩支流合至平寨合德邁河至高縣更名復甯河

敘州府志

卷四

山川

三十二

慶符

至黃水口北會宋江至縣南十里入慶符石門界又名石門江折而西流經縣城故俗呼西江下流五十里至來復渡折東流又六十里至月口與長甯小河會又四十里出南廣口

金沙江 自宜賓橫江東岸入慶符縣界至敘州府城滙岷江至南廣口會符黑水下流三十里至南溪李庄出慶符界

犁灣灘 縣東五里石硬橫插水涸船筏難行

嚴家灘 縣西二里舟楫難行明征九絲蠻鑿石以通漕運

碓臼灘 縣西三里

天倉灘 縣西五里水漲流沙塞灘則年豐俗有天

倉兆豐之語

角車灘 縣西十里水漲最險

個布灘 縣西十五里水漲時險

線灘 縣西二十里水大險

祖師灘 縣西二十二里水漲險

石磯灘 縣西二十五里石硬橫欄水大甚險

新灘 縣西三十里水枯險

沙灘 縣西三十五里

敘州府志

卷四

山川

三十三

慶符

米灘 縣西三十七里

荔支灘 縣西四十里

大灘 縣北四十五里

石并灘 縣北五十里

小灘 縣北五十里

起龍灘 縣北六十里並縣志

蠻灘 縣北六十五里大小水平中水最險縣志〔邑人

樊榮祖蠻灘放舟晚歸詩蠻灘東下水悠悠斜日清

風一葉舟岸窄虎跳看舊迹峽高人影映中流忘機

浴鷺翻鷺浪抱葉山蟬唱晚秋佳景適情隨處是鐘

聲漁火月江頭新附

乾溪灘 縣東九十五里

金銀灘 縣東一百里並縣志

南廣灘 縣東北一百三十里兩山壁立一綫中流
明征九絲蠻始開鑿運糧今猶存轉漕建武碑記然
灘石峻險舟楫終不能通至今蜀鹽滇銅上下仍須
盤壩計兩山夾流凡十餘里始出南廣口此符黑水
入江處也縣志〔明喬璧星遊南廣河小憇有懷詩盤河
峽石倚天開疏鑿疑經夏后來擊楫豈無憂世念爲
舟誰抱濟川才窺人浴鷺紛容與觸石奔鱗失泝洄

敘州府志

卷四

山川

三十四

慶符

重險卻憐輸輓處嘒猿燐火兩餘哀侯國弼南廣詩
錯落雲根兩岸開波臣尙歷畏途來誰疎眼界參差
地請問天中霹靂才曙影汪涵魚出沒烟霄柱插水
澗洄龍門鑿後風帆順不作猿鳴月下哀

國朝知府何源濬偕同人遊南廣詩行吟江上惠風和
鼓棹尋幽南廣河聞說巨鱗躍數仞特憑危石俯層
波孤峯蒼翠晴光好夾岸陰森雲氣多佐漢英雄今
草莽乘閒且自醉盤阿河邊亭子廢多時天柱孤峯
尙有詩兩岸薜蘿雲影細一溪亂石雪濤嘶平蠻餉
道功安在弔古貞珉蹟可追七子徘徊饒逸興流觴

且喜日遲遲張官紀和詩擊楫江流風景和槎齧灘
盡見平河千山擁列重重繡一柱撐回疊疊波亭廢
至今翁醉少臺空尙喜宋詞多倚欄凝眺雲深處疑
有仙踪在曲阿虛度山城不計時苦吟惟有惜春詩
偶來南浦魚初躍遙聽閒亭水自嘶蓮社未辭元亮
醉竹林應許步兵追荒臺翠滴紅胭溼天柱斜暉落
影遲郭鑑庚宿南廣詩陰森洞口亂猿號斷續人家
蔓嶺牢石罅燈孤搖夢冷灘聲夜久上山高一生馬
角年空老百事羊藩氣不豪八次戎州剛半載風塵
歷慣也嫌勞又宿南廣遣懷江滙師來萬古波百年

敘州府志

卷四

山川

三十五

慶符

逆旅奈愁何循良也賴人成就騷雅偏虞病折磨我
已鄉心隨北雁君多好句索南柯兩番僕瘁爭前後
半爲公趨半病魔七年鄰壤接陰何一度聯吟一倒
戈俗吏本來無面目亂離到處有風波漆園物論能
齊少杜老詩篇感遇多萬丈懸崖聲激壯灘當鼓吹
我狂歌張問陶南廣詩大石參差出雙江日夜流丹
山圍夔道黑水界梁州小市三冬冷荒雲萬里愁郡
城回首隔風雨暗西樓新附
超灘 在南廣大江下有石梁春夏水漲舟行甚險
舊設有浮屍會雇夫撈葬咸豐間知縣左元煊捐廉

募眾創修救生船一隻又邑紳樊嵩齡胡行恭馮邦
俊李大成周錫棠等倡捐募眾增船一隻

珍珠溪 縣東三里源出本邑大漕下流十餘里至
茅鎌岩入符黑水

鳳凰溪 縣西五里源出滇省蒿支壩經高邑可久
場至大天井入慶符界下流十餘里至鳳凰山入符
黑水

大橋溪 縣西十里源出本邑楠木關經苾蘆壩轉
响水灘下流十餘里入符黑水

共溪 縣西二十五里源出滇南梅子腦經宜邑許
愿場鑼鍋村下流至蒙子蕩入慶符界又下流二十
餘里至共溪口入符黑水

清溪 縣東九十里源出芙蓉山下經沙河驛轉漢
陽壩至兩江口與長甯小河會同過劔岩至月口入
符黑水

古祥溪 縣西一里源出本邑眞柏坎下流十餘里
至迎祥橋入符黑水

人字牽 縣北八十里兩岸山麓嶄然峽水中流光
明如鏡形似月字經流五六里出峽卽月口水底有
月亮石水涸可見

黑水沱 縣東九十里清溪河南五沱接連皆石幹
鎖口其水色較上下流獨黑古有題其巖云五沱皆
黑水一綫斜穿珠

銅鼓池 縣西三十里周圍數十丈四時不涸中有
一石如鼓故名

白馬池 縣東三十里周圍數百丈四時不涸池狀
如臥馬水源出自馬首流歸馬尾舊志載白馬朝天
爲縣屬八景之一也

龍洞 縣東六十里水由洞出冬溫夏涼乾隆二十
八年土人聞有龍吟聲若洪鐘

敘州府志

卷四

山川

三十七

慶符

花魚洞 縣西七十里有小溪溪旁有大水洞深四
十餘丈清流激湍中有花魚故名焉

三河口 縣東一百四十里溪水合流處每當春水
泛溢有小魚約三四寸許聯貫而跳飛躍深潭

並縣志

富順縣

神龜山 治北西湖隄口石壁峭立嘗有巨龜出其
中小龜從之甚眾故名下有洞邑人李見讀易處

舊縣志

道光八年知縣宋廷楨重修又李榮安重修咸豐
間知縣凌樹棠增構船房後凌公殉節酉陽邑人士
卽廻廊爲位祀公同治四年知縣增龕位祀滇役殉

難諸人復飾屋宇環抱之〔知縣宋廷楨記富順治西南數百步有神龜山山有石洞相傳爲宋隱士李見著易樞處乾隆四十一年邑令段君玉裁作記勒碑據宋史隱逸傳呂東萊撰薛常州誌浚儀王氏困學紀聞等書敘薛翁爲富順隱士甚詳五十七年邑進士李吉山芝亦作記立碑敘李見事二碑俱存洞前而李碑剝落字跡半不可考可讀者段碑而已甲子秋予來蒞江陽欲修此洞簿書龐雜遂不果戊子正月因洞前舊亭而潤色之併購亭西南民居十餘丈增建迴廊後植以竹木又鑿亭北深池而繚以石垣

敘州府志

卷四

山川

三十八

富順

逾月工竣煥然改觀三月二十一日會同僚於龜山之陽而禮拜之越三日卽作解組想或曰是龜山之失其靈而促汝以去也予曰不然薛李二君俱深易理者易言見幾而作不俟終日我亦以吏隱薛李二隱士固宜牖我當道以白簡制人僅可施於熱中者加我無所損益可勿論並新志〔知縣劉上駟詩龐然蹲岸畔潛伏善藏身掃磴除蒼蘚誅茅護綠筠羣山皆北顧老樹是東鄰漫惜沉埋久而今壽算新舊縣志

鍾秀山 治西北半里一峯獨立左西湖右邵湖後踞馬腦山瀾巖北巖互相圍護前對同心塔翠屏桂

子諸山疊翠浮嵐釜水縈抱爲眾山之宗山畔有紫雲巖半麓邑人韋蕃立石上刻第一山三字係米芾書其上有前明文昌祠廢於兵火舊聯云二水樓臺仙子宅兩山文文化人宮乾隆四十一年丙申縣令段玉裁重修文昌宮於上明邑人李長春詩蕊珠仙闕對瑤燈星彩霞綃夜色澄曲度落梅春自駐尊開浮蟻興堪乘宮恩敢望金蓮燭陽律應消玉井冰芳草馬嘒重蹠躐故園回首隔東陵

國朝知縣劉上駟詩蒼涼無結構遺址野雲蒸峽路侵平地山峯距上層草荒嘗沐露碑蝕記觀燈應有蘇

敘州府志

卷四

古蹟

三十九

富順

門嘯鸞音聽未曾

舊縣志原附下同

馬腦山 城西北一里橫亘盤礴半麓爲中巖以北巖居左瀾巖在右故名唐時建寺其下宋純熙辛未奉旨賜中巖二字題額林竹蒼鬱三伏涼蔭如秋下有井名聖泉清冽可療疾醒醒盛暑亦難滿酌最爲名勝前賢題咏刻壁甚多遭兵燹漸致剝落巖壁宋刻張難老蹇時行趙君寶婁子春何堅仲崔順之張仕道劉巨川韓道直龍介卿梁聖擇王濟之蘇景山樊叔求以紹興壬午仲夏晦日避暑飲於此曲子沼以職事不至 臨邛王萬里過釜川楊仲禹拉弟嗣

卿季禹史孟容蘇仲聖偕泛西湖舍舟來游巖前新
結小亭置酒其上日暮乃歸 嘉定九年五月甲子
日嘉定之丙子七月乙卯楊仲禹拉牟君錫陳立道
史伯尹楊叔通弟季禹姝子助觀寺門池蓮盛開君
錫恰得呂氏瑞蓮共賞久之分韻各賦詩而退 晁
華父常修父道父孫子厚李義昭韓德之甲午中秋
日攜碁載酒來憇亭上劇談終日見月而歸常亭丁
子儀叔遠約而不至嘉定十七年九月三日刻采楊
光奉親避暑中巖詩伽佗坐斷碧巖陰手眼無非利
物心借我初庚滌裨暑冷風美蔭木千尋山下芙蕖

雲錦裳瑤餅淨供坐生涼南薰真是社中友清潤時
飄衣袂香禪榻陰生五月秋井泉甘冽近林幽助翁
燕坐清涼境茶具隨行試一甌明熊過遊馬腦山中
巖詩并敘嘉靖丁巳九月過飲陽白先生於馬腦山
之上馬腦據城西隅過始自北門出天日晴適循城
南下峻阪則西度田田故宋時瀦竝山諸水爲湖首
可周行也度田復緣南山中巖寺左迤而東北上轉
南可百步許爲巖巔復南北步句股望馬腦拔出巖
巔抵巔正如銜纓也畢坐則城府樓觀江湖胥見矣
坐定酒三行佐酒僮史呈紫芝過思念芝足致大年

菊制頽齡非芝比頡酒政發爵浹巡由故道至寺出
寺後陞石徑過叢篁中掠霧隱堂右反出其後深入
樓居造巖下尋故宋刻石已乃就樓讌飲月旦出移
坐樓下秉燭復飲至月午乃罷去用杜氏九月齊山
韻得詩一章其始蓋有喜於芝也明日聞東方南北
皆有警後爲斤芝詞一章夫潛躍異趨寂動殊軌然
而阻易所遇卽欣觸而興焉天則所秉雖達者莫能
違也後之視今尙亦諒乎先生曾姓名璠郢人楚丁
酉薦士江漢間籍有文譽者門人陳交暨余弟造從
子麟皆侍行交造方爲學宮生徒麟亦壬子薦士暮

雲騰騰夾日飛勁草莽莽披風微苑空不道悲秋晚
興發先拚弄月歸採藥正逢芝草長傳燈偏映德星
暉天人何日重來下刼石千年待拂衣紫之芝兮療
我饑兮我心謂我腹私兮嗟嗟大東南北糗糧峙兮
嗟嗟我欲餉芝芝不可徧飼兮嗟嗟紫芝不如葳喜
衛我士兮噫白馬經傳鷲嶺天慈雲猶爲護悲田諸
峯羅列依丹嶂九日登臨接素烟抽思不緣哀郢後
咏歸翻似浴沂年空門未有湘靈瑟聽罷陽春覺轉
妍郢中曾璠題馬腦山二首并敘璠竊祿養於茲凡
十月兀處官舍未敢漫遊辱南沙先生以九日召登

馬腦山璠始趨召是日未見菊見芝又自幸以爲一出卽入芝室也旣而先生以詩示璠又自知爲下里人於是作詩一章復用韻作詩一章用紀登覽之勝且以爲先生謝云馬腦之山高接天城隅古寺落秋田不逢菊豔供詩興卻有芝英生紫煙勝事一時書太史浮生陳跡說他年徘徊莫惜清尊竭返照晴江楓樹妍九日霞觴錦席飛獨慚酒力與人微天涯勝覽原無盡太史清歡詎忍歸萬竹樓居開隱霧四山秋色送斜暉別時已上江陽月蘭氣芝香拂滿衣采嘉徵馬腦山中巖行奉叅天峯和尚中巖一何岩崑

獅王說法山蕉周羅頑石點首江聲西吼清霄中有老僧兮紺髮絳髭駕白鹿騄赤螭風飄飄兮挂金縷采元芝兮聊遏饑顧我燦然兮啟玉齒萬象紛布獲兮無隱爾擊碎虛空面太清夢覺是誰遺一指亂曰大象廓兮誰把其戶我騰而上兮莫予患苦璠樓十二兮三神山何爲今之人兮棄如土重曰古有仙人佩刀騎黃牛黃牛峽底至今影蹟時出遊天峯老人爾胡言下大義隨機掃不牽牛頭尋馬腦
凌雲山 城西一里峯巒巖業雒水橫前山頂落日獨遲夕照可愛產青紫石可以爲硯

祿來山 城東一里秀拔環拱取福祿來崇義宋知
監蒲津以茲山秀異因闢學宮相對其旁爲桂子山
翠屏山 城東隔水一里壁立如屏正對學宮如挂
榜形故一名挂榜山邑中科第相承以爲是山之勝
十景謂爲翠屏天榜萬厯中知縣孫杰於石壁題刻
天然圖畫額又有蘿月挂朝鏡松風鳴夜絃之句
同心山 城東隔水三里東南諸峯岩巉衍迤是山
巋然出眾山之上秀傑如文筆與東西兩山鼎峙舊
志云葛仙翁煉丹於此常有異人同煉故名峯腰有
丹井清瀘可鑿四時盈滿一統志云宋邑人呂震呂

慥讀書其上俱以文顯山頂建塔十層爲縣治巽宮
文筆塔下有寺久廢唯鐵佛尙存舊縣志 乾隆年間署
令程煜補修明御史侯秩詩天涯殊恨負重陽今日
登臨酒一觴黃菊抱花應有待霜林換葉自生忙放
情肯落風前帽從俗甯懸肘後囊雲樹蒼茫金闕遠
凌空北望淚痕長

東山 城東三里聳秀葱蔚草木高深茂密冬月不
凋其上有古刹名雲隱禪林宋純熙丙午年創明永
樂初僧太空重修天順七年僧古林嘉靖十九年僧
清虛俱重修寺前有二池一清一濁萬厯中邑人熊

江唐登儁熊師旦范鈇范鑛楊世則等講學山中稱
東山六子知縣秦可貞詩九日招遊釜水洹海天風
色望來屯登臨漫著東山屐酩酊還開北海樽松竹
競從山際出謳歌時向醉中喧不堪禾黍悲秋處忽
憶青門動故園教諭陳大禮詩東山此地最竒山喜
挹清風洗俗顏極目直窮滄海外寄身真在翠微間
千年仙跡宜重賞一日登高肯遽還坐倚喬松情戀
戀舞雩歸興暫偷閒潘子安詩東山雲影處南嶽道
機同路險石頭滑池清雪竇通寶花三界雨琪樹四
簷風一覽空塵劫峯巒芥子中邑人布政李韶詩拂

敘州府志

卷四

山川

四十四

富順

草尋巔躋登臨曲折深青蒼迷古徑曉磬隱疎林未
至金蓮地先聞野鳥音老僧共話久一片白雲心邑
人李芝詩古渡亂流間欹斜石磴攀寺凌青漢迥天
放白雲閒清濁東西沼有無遠近山追隨偕道友

同王

遷 秩 看竹欲忘還

雞足山 城東南隔水三里與東山翠屏諸山相連
勸農山 城南隔洛水五里上衍夷平曠有洗馬池
清泉洞嘯臺諸蹟幽窈曲折宋州守黃商卿嘗勸農
於此明知縣李眞率僚屬里士於三月三日登山祭
先農勸耕賜農人酒食賦詩至今率循不廢明知縣

秦可貞詩雨霽春和布穀鳴漫尋往蹟省農耕田間
敢擬麥歧秀桑下還看雉子行問俗尙嫌驚野老憂
時猶自覓儒生深慙百里渾無補尸素何由報聖明
汪回顯詩萬頃膏腴繞碧山碧山半在白雲間三春
常有衣冠集四野應無耒耜閒洗馬池渾知雨過栖
鸞樹老覺秋還何時喚起圍碁客共醉芳尊一解顏
邑人黃璿詩際曉尋幽到碧山暮年英氣尙桓桓新
鶯語滑能留客細柳絲柔解拂鞍百里琴封春獻頌
三農腰鼓日騰歡多君善政魁全蜀惠洽花封百世
安邑人范宏毅詩層巒疊翠縣南阡此地曾聞舊隱

仙洗馬池涵宮柳月奕棋臺布紫芝煙勸農冠蓋三
春雨盡力膏腴百畝田九扈遺風千古在於今賢令
化重宣邑人何鍾詩九十春光半已多三農稼事問
如何郊垆頓覺殲豺虎老稚相忘荷笠簞四達神功
勞勸相一時清賞費吟哦登臺不減桑田稅試聽齊
聲擊壤歌邑人甘爲霖詩讀書臺過勸農臺咫尺肩
輿覽遍回一日好懷耕與讀三杯豪興去還來秋江
隔岸聞鴻雁石刻依崖傍蘚苔分付山靈重九近芙
蓉野菊及時開趙遠詩駘蕩春風野興多勤勞民事
奈憂何黃梁滿望雲千頃南畝甯辭雨一簑社鼓村

村供蜡祭甫田處處向人哦不妨哀集豐亨頌端向
於今舜禹歌邑人郭于蕃詩誰鑿竒峯傍漢開長江
如帶繞危臺林間蔀屋環山列嶺上煙嵐匝地來出
郭祈年成往事尋春履畝付荒萊只今孤石撐千仞
一片蒼蒼長綠苔知縣錢紹隆同唐廣文暨庠生陳
挹王儀黃鵬李廷試登勸農山詩清江南繞古農臺
攜伴同登薙草萊少長豈緣修禊至壺觴還爲勸耕
來風和宿麥連陂秀雲暖晴花一徑開土銼荒村煙
火寂停杯倚石重徘徊農祥上戊歲祈壇亂後三年
未往觀每愛輓犁師趙過却憐載酒愧王丹山餘喬

敘州府志

卷四

山川

四十六

富順

木鶯還到碑漫蒼苔篆總殘俯仰不知歸騎晚坐看
落日下層巒

西山 城西隔水五里橫峙維江巖嶙卓傑與東山
共峙故名峯頂石嶺嶄嶄前明有西山寺久廢嘉慶
年間市民孫天全重修

龍山 城北五里

聖燈山 城西五里有聖燈院嘗有燈出煙霧中故
名山西有石峯峭拔如佛像里人呼爲聖佛宋知監
張齊古詩江山疊翠對天涯柳暗沙明日未斜流水
面前聲聒聒吁嗟今古促年華

龍橋山 城南五里

朝陽山 城北五里上有臺形勢迤邐自西蜿蜒屈曲至丁家壩聳拔昂首有踞而候日象故名

孝子山 縣西十二里几山右升澤廟後有漢董孝子墓

紹公山 縣北七里前臨江水後接數峯左右兩溪互抱古柏森榮明進士唐可封祖紹安葬此因名可

封葬紹安墓後

新縣志

馬鞍山 縣東十里

雲根山 縣南十里崖壁礧磊明解元程嘉賓題雲

敘州府志

卷四

山川

四十七

富順

根二字於壁上

几山 城西十里峯頂不高獨立蒼秀明尚書甘爲霖讀書處

石貢山 縣東二十里孤峯特起下視村落如碁布星羅北有石盤若貢陳象故名上有寺亦名石貢原名小仙掌邑人李長春題云石出懸崖仙掌動星連

平野佛燈來

獅子山 縣東二十里上有登眺石臺

香爐山 縣南三十里

老君山 縣北二十五里山頂盤石有仙人赤足跡

青山 縣東南五十里林木深秀天際浮青四時一色故以青名

鐵山 縣南三十里石壁嵌積如鐵故名

紅珠山 縣東三十里相傳明正德時天墜紅珠其上得名上有珠斗寺林樹頗茂遠望蒼然

棠棣山 縣西三十里

四望山 縣西北三十里陂陀緜亘數里山頂平曠四望周遭故名

仙峯山 縣西南三十五里巖岫竒屈上有古刹明成化年間建幽曠淨宥詞人多登眺檢討王元正詩

敘州府志

卷四

山川

四十八

富順

何年鶴息九蓮峯石磴松門隱梵宮鐘磬出雲山自靜笑談漱茗曰初中野溪綠泛桐花雨苔砌青翻貝葉風積翠中天堪作賦凭欄却憶少陵翁明知縣邱齊雲詩行旌暫駐梵王臺誰是杯航白足才掌上芙蓉仙露液座中簫鼓客樽開白雲飛去丹崖在青籟吹來翠壑哀夜半呼儂伴春睡一階花雨濕蒼苔吳叅政詩寺插高峯長薜蘿欿松礙日午陰多鶴巢眾木幽深處僧卧閒雲安樂窩蝶影漫隨花影舞鳥音時逐梵音過客眠暫借今宵穩今日閒愁又幾何知縣曾省吾詩夢入仙峯久樽開石閣新可知關古道

非但爲交親一見興猶在相看貌始真向來離索意
此際竟何陳邑人黃澄詩樗散江淹日登臨感盛年
心同咸異地劍合在諸天無計能投轄多情話舊緣
雙旗凌晚度高竝列星懸邑人甘茹詩蓮社懽今雨
棠陰惜昔年澤通功德水坐近蔚藍天七夕橋邊約
三生石上緣逢迎方劍合去往又旌懸邑人范懋和
詩多君持夙約念我勝初年梵剎此何地風雲又一
天凭臨空俗界談笑契眞緣獨惜向隅者遙馳百念
懸知縣秦可眞詩古寺臨峯頂雨餘殿閣新晴雲分
澗出孤鳥傍林親避俗陶彭澤尋幽鄭子眞久矣東

敘州府志

卷四

山川

四十九

富順

林社此意竟誰陳縱步煙霞外翻令憶昔年中來
赤舄杯底落青天杖錫甯多異無生願結緣倚樓渾
不寐新月樹頭懸

鳳凰山 縣北四十里

石盤山 縣東四十里上有蓮池

兜子山 縣南五十里巖業磅礴峯巒突出若兜鍪
然古路入峯頂下臨村野百里一碧煙橫半麓迷漫
如海爲縣南眾山領袖李九霞詩兜鍪數里來秋日
斜過午神罷山行深足怯石磴苦望望晚林煙行行
黃沙浦松梢挂殘霞古道稀儔伍不遠高峯屢居人

近太古從容炊麥飯黃芽雜鹿脯小飲話壺公薰然
資藥補斂衾對月坐青燈翳復吐隆昌令朱雲駿詩
聳峙青冥勢絕竒軍容凜凜望中疑秋原戰馬嘶風
立蓄銳旌旗靜偃時翹首天梯策杖前躋攀分寸幾
迴旋亂山缺處青帘颺村醞公然冒惠泉

仙鵝山 縣南四十里山形如鵝其勢飛動半麓有
洞飛流似練名龍泉會於洛水

金子山 縣北六十里峭壁硜硜日光映射如金

連珠山 縣北五十里中有活泉清冽四時不涸

道貫山 縣西二十里石突兀森立上有清泉

敘州府志

卷四

山川

五十

富順

虎頭山 縣東八十五里山石崛巒蹲踞江邊下有
洞口吞吐雲氣如虎形山頂有泉四時不涸宋末純
熙中徙城於此遺堞尙存邑人李芝詩積霧濕江雲
舟行日易午延眺極村落列屋三四五蒼然煙霧內
拔起如虓虎四壁絕攀援其上儼堂廡豁牙洞口張
向人欲吞吐寒風掃落葉烈烈如振羽羣盜昔縱橫
於茲扞禦侮遺基半樵牧殘碣蝕風雨菜花揚遠岸
小麥秀芳渚承平百餘年桑麻盡樂土我行近桑梓
覽物愴今古欲問興衰由山石不能語

錫山 縣西南八十五里一名金蟾山聳特孤高如

金蟾偃仰與虎頭山相對錫水所出

象鼻山 縣北六十里

響石山 縣東六十里山頂有石叩之有聲又相傳石穴中出米供僧故名餉石訛爲響石隆昌令朱雲駿作詩辨之云說法真能令點頭齋廚應不藉他求乘時只合勤於耜莫以貪天信謬悠頽然頑石鎮禪林寂掃聲聞閱古今亦有噌吰鞞鞞者江濱別奏海潮音錢紹隆宿響石山聞滇南報捷詩巴夔頻年苦戰爭鯨波此日靜昆明風清六詔停傳箭雨灑三江徧洗兵茅屋人歸聞犬吠古菴僧在起鐘聲何年生

敘州府志

卷四

山川

五十一

富順

聚繁林總紅杏青蒲處處耕

牛心山 縣南六十里高峰突立形如文筆秀出羣峯

羅觀山 縣南七十里有泉自石壁中飛注而下名惠濟泉

葛仙山 縣東八十里峭壁窮崖幽秀清曠峯頂有泉冷冷出石間古幹虬枝綺紛繡錯相傳葛仙翁栖憇於此上有寺名葛仙一名崇果寺宋純熙甲辰建明永樂二年重修尙書李長春記公諱洪字稚川丹陽句容人也少好學苦家貧無貲自伐薪以買紙筆

從人借書夜輒然薪寫書每紙反覆皆有字人罕能讀也久之大有淹貫名性簡靜寡所玩好卽棋局樗蒲亦不曉其幾道齒名曰閉門却掃於交遊俱絕惟與何幼道郭文舉相見於餘杭山中各無所言目擊而已若尋常書問義不憚數千里險遠必得乃已好神仙導養法從祖元學道得仙世稱爲葛仙公元以煉丹術授弟子鄭隱學悉得其秘復師事南海太守鮑元亦內學能逆占將來見洪深相器重以女妻之洪於元業外兼綜醫術諸所撰績咸研究精覈而才藻豐贍於理幹詞調蔚如也太安中石冰作亂吳興

太守顧秘發兵討之檄洪爲將兵都尉事平欲表爲伏波將軍洪不問聞洛陽多竒書徑往購之尋見亂形已著欲避世南土乃叅廣州刺史稽含軍事及含遇害因留嶺表數年徵辟一無所就比還里元帝爲丞相辟爲掾以平賊功賜爵關內侯咸和初王導召補州主簿轉司徒掾遷諮議將軍干寶薦洪有國史才選爲散騎常侍領大著固辭不拜自以垂老欲爲延年計聞交趾出丹砂求爲句漏令帝以其資高不許洪曰非欲爲榮以有丹耳帝勉從之遂將子姪俱行至廣州爲刺史鄧嶽所留乃止羅浮山煉丹嶽因

表補東宮太守復辭不就在山積年優遊葆練著述不輟其大者曰抱樸子內外一百一十六篇次者碑誄詩賦百卷移檄表章三十卷神仙良史隱逸集異等傳各十卷又抄五經史漢百家之言方技雜事三百一十卷金匱藥方一百卷肘後要急方四卷一日忽與嶽疏云當遠行尋師尅期便發嶽得疏狼狽往別洪坐至日中兀然若睡叩之瞑矣嶽至遂不及見時年八十一視其顏色如生體亦和柔迨舉入棺輕如空衣世以爲尸解云而外史復稱洪自句漏入蜀取雄黃於武都山得之色如雞冠喜曰吾丹成矣尋

入洪雅花溪居巖洞中存神養氣道存白日上昇今隱跡尙存又稱鮑氏善行灸常往來南海間不死至唐崔煒遊開元寺有丐嫗謂煒曰吾善灸贅疣今有艾少許奉子煒受而詫之後訪知爲洪妻大異焉世所稱姑姑艾是已唐今畫稚川移居圖夫妻各騎一鯀角牛前後五百羊從之一赤腳擔裝又一少女從之手攜束書且行且讀妻所乘牛背大襍一嬰兒在焉不知其何據也史官長春曰余讀抱樸子觀洪自敘云吾爲人駮野性鈍口訥終身恥爲矜飾故冠履垢敝衣或襤褸而不恤言則率實絕嘲戲非其人終

日默然厭交遊閒居守靜於權豪尤自遠迹避之衣
不辟寒食不充虛室漏濕而戶蓬莠處之淡如也自
以知人之事上聖所難故交道必清澄詳悉而後定
間以此蒙簡洪聲弗爲動不樂干謁見知有抑必密
營求之不令其知他若交親在勢終不以薄蹠通也
值糧用藥物匱乏朋侶來餉者亦不拒稍贏輒分以
濟人恒言史雲不食於昆弟華生治潔於昵客殆矯
僞哉故於村里善良或齎酒殺候洪雖非儔匹亦欣
然受之從容而答也自有識殆將老口不維是非語
不涉臧否論人獨舉體中勝事評文第撮佳者而不

及瑕類貴人或問吏民甲乙其賢者陳說快事津津
不休否者詭曰偶不識悉耳人或譏其顧護太甚卒
不變又覩世好褒彈人物恩怨叢於其身遂不復言
及士人至問宗子弟其品目一付邦族不輕爲價數
人問其故答曰我身在何等我尙不能自知也况非
我安可評定哉其周慎如此又言少涉河洛圖緯星
書算術九宮三棋太乙飛符之屬以少氣味而止晚
習風角三元遁甲六壬太乙之法得其大旨素學射
當行師時手射追級應弦而倒殪二賊一馬遂以獲
免復受刀楯及單雙戟七尺杖術皆有訣可以當全

獨勝吁洪亦多能矣史臣謂其游德棲真超然事外
於全生之道最優亦僅見其一班耳藉令時命遘逢
於霸王將相之業何有哉其跳而之仙非本願矣余
又考職方圖志云稚川煉丹之處在天下十有三今
吾富順東八十里瀕江一峯突兀雲表周遭皆怪石
嵒砢其蹲踞悉如狻猊有二臺屹然而起狀若層累
上有稚川足跡踰人武敏三倍峯後有煉丹臺規石
爲之遺礎猶在旁復有一井意此亦十有三之一惜
以遐僻故湮滅至今頃歲余始冥搜浩眺爲之標表
而竊附於名山大隱之後好事者遂以葛李齊踪名

敘州府志

卷四

山川

五十五

富順

之余故按內外傳撫其鉅細勒之貞珉令與茲山同
永久云

照雲山 縣西六十里

鉢盂山 縣西六十里形似鉢盂山足有洞深黑不
可窺

象王山 縣西南七十里

豸石山 縣北七十里近牛佛渡踞江邊狀如獬豸
八腳山 縣西北八十里山麓分八支故名

接天山 縣東八十里峯巒突起直侵霄漢

吉公山 縣西九十里自流井廠之西巘傑卓立峯

頂摩霄昔隱士吉公居此得名山南半麓有清泉夏
涼冬溫天曠不涸其北迤斜半麓有隙地相傳吉公
故居里人李爾振教讀於此名紅豆園邑孝廉李芑
廩生李莊進士李芝九日登山弔吉公隱士詩桑梓
猶存有瓣香玉魚青簡已蒼茫高踪欲覓知何處遍
地黃花帶夕陽詩芑往代豪華碧蘚紋憑高處處倚斜
曛紛吾感舊無恭敬欲取峯中一段雲詩莊重疊峯頭
倚漢間三峩晴黛露煙鬢羽衣一去人千古剩得風
流姓此山詩芝

棹山 縣西九十里眾山中峯獨立其上平坦如案

敘州府志

卷四

山川

五十六

富順

對石山 縣西九十里井廠南兩山形勢相肖如佛
頂對峙

橫山 縣西九十里近西羅井一名大山綿亘數十
里至井廠東南如屏障圍護

高峯山 縣西一百里井廠西南孤標危特石磴懸
梯峯頂晴日可望三峩有前明古柏虬枝夭矯蔚然
蒼秀上有寺亦名高峯明成化六年建

牛口山 縣北一百里形勢自威遠衍迤起伏數百
里至是峯巒特起巖石稜立溪水經其下交絡縈紆
爲縣北名勝縣東青山南兜子西高峯北牛口爲邑

中四名山

黑虎山 縣北七十里由內江迤邐而來突起峻巒
爲眾山仰其形似虎兩足蹲伏成彎舊名漁家彎世
爲陳姓居宅咸豐十年李逆踞牛佛渡軍門蔣玉龍
駐兵阜頂愛其山形呼土人從此山與彎更名黑虎
尤仰山靈刳羊豕祀之屢獲勝捷山離何家場十七

里

縣志此
條新增

月巖 在馬腦山形如半月石刻月巖二字併有觀
音化像石刻兩旁佛像數十故又名千佛巖巖下有
七井宛肖七星伴月寺之前殿明嘉靖癸亥鑄有銅

敘州府志

卷四

山川

五十七

富順

佛高一丈三尺八寸舊有霧隱堂宋丞相趙雄叅政
魏了翁俱有記今廢宋岑求蒙詩瀟灑監城隈聊驅
俗駕回世塵飛不到山色翠成堆趙希益詩蘭若秋
花分外竒月巖清坐聽枰棋方歡相與同心處更近
清涼八月時王巨山詩一逕蟠紆煙靄深寶陀金像
依嶽岑雲端殿閣俯空曠雨後檜柏生濃陰岸月晴
雲歸遠岫倚欄晚吹清煩襟平生性僻貪佳境公餘
忽復窮幽尋

瀾巖 縣北一里馬腦山下

普陀巖 縣南三里巖上有寺祀觀音巖下有石洞

內塑佛像

大佛巖 縣西十里

金牛巖 縣東二十里

雲巖 縣西四十里提學王敕題瀛洲仙子四字刻

石壁

起鼓洞 在土主廟下

北巖洞 縣北一里巖中寬敞盛夏清涼下有水簾

亭尙書李本有記今廢李本詩北巖風景昔常遊廿載歸來迴不侔石徑開從松嶺過芝泉引入稻田流樹間好鳥啼還歇洞口浮雲去復留最喜老僧能敬

敘州府志

卷四

山川

五十八

富順

客三生話盡更綢繆忽聞春盡強登山重到招提翠靄閒竹樹圍陰藏石洞薜蘿垂蔓護松關雲峯雨霽開圖畫寒瀑風清響珮環應悟浮生多擾擾令人卻訝老僧閒布政李韶詩避暑北巖寺巖深倚翠微無風還自爽有扇不須揮興發探幽勝心甯解息機此間真可樂雨過尙忘歸

羅浮洞 在縣北瀾巖下深廣軒朗規制天造洞內羅漢共五百餘自宋訖明爲文士詠遊消夏之所成化初李本偕義民余釗僧昌泰募修萬鈞記正德丙子義民錢萬國醫士舒簡重修羅漢十八座

國朝知縣錢紹隆記邑有山北來近城勢甚盤渦粵唐寺資國宋元明因之山脇右結洞穹然尋向碑額有爲之兩稱者其以羅漢名亦指中所設色相耳羅浮義何居因思九江海陵有山藪澤中不爲洪水沒遙望如羅浮漢南越志博羅十五峯十大洞天之一璇房瑤宮七十二所以羅山浮山相合名之意者江環如帶遙望如羅浮耶抑以其彷彿乎璇房瑤宮也慨以多年兵燹廢爲邱墟洞中諸像盡皆剝落無以游觀勝景爲眾僧皈依也今運際當陽一時封豕長蛇皆以就戮吾邑又荷良父母殖田疇教子弟撫循而

噢咻之民安無擾耆民楊昶因得與眾共新之供白衣大士於前洞內環列龍像俱采繪如法乃索記於予謝之曰繩樞草舍聊蔽風雨不足爲耆辱又思成化九年邑太常李公偕義民余釗新於前今耆以一人勞其後是何可謝之堅使盛事不傳也至若寺之歷年洞之高廣大小羅漢之數則有舊石可評云〔李瀚詩并序〕予官敘郡七載間以公務事至今釜川者五而未始一知巖佛洞之勝也今茲復來縣丞劉端主簿李清教諭周齊已訓導蕭湍泊進士陳表余璞以予公暇請遊是洞遂欣然偕往穿竹樹曲折而行

至洞其寬廣可容數十人中多佛像皆石爲之茶畢
因題詩二首於石而歸時天順四年庚辰冬十月三
日也禪林近在北巖隈竹樹陰陰佛洞開雲靄日於
窗外護天香時到座中來門恒虛廠甯容俗境自清
涼不染埃冠蓋乘間訪幽勝翻嫌屐齒印蒼苔公暇
相從訪北巖巖前古洞足幽探寬間可設諸僧榻清
淨眞成萬佛龕石壁秋深含雨潤門窗晝靜隔煙嵐
浮生暫息紅塵轡樂與詩人共笑談季清和韻金銀
佛寺倚雲隈古洞無門長自開解脫輕浮風送入優
曇乍落鹿啣來靈巖氣勢高凌漢勝境天然迴絕埃

此日叨陪周歷覽行行踏遍竹邊苔紛紛冠蓋入名
巖石室幽深喜共探只訝仙家遺洞府卻於釋氏作
禪龕日光掩映斜侵座香氣氤氳遠接嵐尤愛老僧
似湯惠時來共茗聽高談周齊已和韻勝游同到碧
山隈石洞何年地設開窗外娟娟修竹茂座中冉冉
瑞煙來禪僧已悟三生地經榻渾無半點埃欲向此
中詢往事斷碑香落長莓苔羣峯羅列擁茲巖境界
清幽可遍探紫霧丹霞籠佛殿黃花紫竹映禪龕翻
經臺上飄花雨補衲簾前滴翠嵐釋子也知簪笏貴
煮茶延欸待清談蕭湍詩夾道松筠一逕斜尋幽深

入梵王家清虛與世囂塵隔空寂宜人俗慮賒臺殿
不教金鎖鑰洞門長有白雲遮戎城別賀文章伯相
與留題紀歲華陳表賀韻白雲長護北巖隈洞口濃
陰掃不開漫說老僧飛錫至喜從明府駕車來渾超
劫外三千界不著人間一點埃遍訪昔賢遊詠處笑
揮衿袖拂荒苔密爾花封古石巖清竒勝概漫齊探
雙鳧彷彿遊三島萬佛從容寄一龕猿近琅函聽貝
葉龍歸鐵鉢起雲嵐鰕生共攬尋芳轡敏捷詩成僅
立談劉袞和韻幽深佛洞近城隈神力何年爲鑿開
說法金蓮從地湧翻經花雨自天來千尋峭壁懸蘿

帶一炷清香卻俗埃我幸追陪多逸樂詩題石上拂
新苔勝日衣冠集此巖超凡境界事竒探幾尊羅漢
聯珠座一點孤燈照石龕甘露曉滋優鉢瑞祥煙晴
擁瑣窗嵐虎溪三笑高風遠今喜斯遊接美談曹奎
和韻釜川郭外北山隈隈畔幽然一洞開紅日上窗
移影過清風入座送香來降龍鉢內生雲霧伏虎巖
前絕俗埃覽勝徘徊隨驥尾不妨穿竹踏青苔素聞
縣北有幽巖今喜相從得一探梵刹凌空雲作蓋禪
僧跏坐石爲龕捫蘿入洞霑秋露倚壁題詩拂曉嵐
何幸此身同覽勝他年留與後人談邑人周麟詩石

髓何年成宕碧還疑採服有丹圖泉同玉女洞間色
思置坡仙調水符知縣熊葵向和羅浮洞韻一灣楓
景布巖隈生就諸天石徑開明月照禪螢散去白雲
繞榻鶴歸來三千法界藏方丈五百羅浮了俗埃笑
我鬚眉非自昔但看綠砌轉蒼苔江陽名勝羨層巖
再趁情豪著意探紅樹暗藏千佛寺綠蘿深覆四王
龕月巖夕映西湖照風洞晴開遠浦嵐得似閒居潘
作令種花偶暇也清談教諭郟縣江文煜詩羅浮古
跡已成塵洞口藤垂亘幾春不共凡花爭獻冶長依
松石傲霜筠

長春洞 城東五里花木葱蔚四時如春洞門刻有
長春字萬歷間知縣柯文詩云洞口直如削煙霞渾
在身眼前都不是原是洞中人蓋美宗伯李長春也
時長春以洞合己名加意修治刻已像於洞內儒生
周漢陽題句云從來天地本無私此處長春何處短
玉皇洞雷神洞三清洞 俱在縣南五里洛江右岸
明嘉靖道人李守全修
仙神洞 縣南八里相傳周時有道士修真於內
清泉洞 縣南八里一名仙人洞時聞有棋聲邑人
郭于蕃詩半世離鄉未一臨重來信步陟高岑苔封

鹿徑荒猶昔樓瞰江流建自今波底龍從連櫂動洞
中石碣共雲深褰裳欲覓餐霞侶只恐丹砂費討尋
天神洞 縣北十里洞內有泉湧出盛暑清涼灌洞
下田百餘畝

天臺洞 縣南十五里洞門石刻天臺二字

梅洞 縣北四十里梅龜村中有石穴禱雨輒應

青絲洞 縣西四十里孔透四山洞前有池相傳有

龍潛其中禱雨常應

茶溪洞 縣西五十里中有清泉

雲隱洞 縣東五十里尙書甘爲霖有記

敘州府志

卷四

山川

六十三

富順

竹崑洞 縣南七十里宋紹興中侍郎鄭瑩居此前
有流杯池瑩有前後竹崑賦

靜一洞 縣北五十里牛腹渡下對水有字

天峯洞 縣東六十里下有金牛洞

飛龍洞 縣南六十里舊有樓臺今廢

鯉魚洞 縣西六十里常有雙魚躍出禱雨輒應

仙鵝洞 縣南六十里深邃莫測樵者常於此得鐵

劍上有宜和二字舊縣志原按舊志作仙鶴誤宜和
亦宣字之誤蓋宣和與仙鶴字音相近故名仙鵝

兩眼洞 縣西七十里

舊志有
新志漏

凌雲洞 縣西九十里井陘南洞門石刻凌雲二字
高洞 縣西九十里近井陘洞石高一丈餘清水溪
水經流其下瀑布飛練聲聞數里北岸長松葱鬱
五龍洞 縣西九十里與八足山相連
果超洞 在縣休休道人詩巖中白衣士趺坐澹虛
泊祇苑遺俗氛巖花自開落青山何寥寥白石亦鑿
鑿寄語同心侶且永百年樂榮承詳詩弱水隔煙濤
蓬瀛渺天路豈無乘鶴仙雲中自來去人世多囂塵
流光草間露嘉會良足怡轉盼已成故何當巢雲松
脫跡保真素

敘州府志

卷四

山川

六十四

富順

奪錦州 在小東門洛水中洲長半里濶半之明時
校士於此故名

貓兒峽 縣南三十里

青山鎖峽 縣東南五十里兩岸諸山蜿蜒盤曲至
峽口高峯巖嵒兀起對峙如門仰天一綫洛水中流
瀠洄三折水色碧深兩崖巨石蹲踞或起或伏盛夏
水漲觸石怒流舟行險惡兩崖古木蒼枝草木箐密
儼若瞿塘邑人李九霞詩雙巒聳峙闢天門一線澄
潭萬里吞之字紆迴三折水螺盤彎曲九聯墩雲通
巫峽朝霞現氣接岷峨暮雨昏勝跡江陽無第二何

人移石斲雲根

峽口 縣西九十里自流井兩岸石山對立滎溪水東流經其下復折而北不見水出爲井廠關鎖

臺曜石 在縣城東津門外中流有石高出水面分佈兩層前三後七相傳爲三臺七曜

五遊醉石 城南一里洛水中萬歷年間邑人李長春五次暢遊飲卧於此故名又名釣磯石李九霞詩宗伯載酒遊五遊江心石雲彩媚天光春水清淺碧細浪滑苔花歌磧折高屐五斗亂衣裳一石枕狼藉茫茫天地寬那計逆旅窄卓哉紀勝遊何必長卿跡

敘州府志

卷四

山川

六十五

富順

何當續高踪石壁開樽席永使後人思有如今視昔砥流石 城西五里洛水中二石聳立高二丈許天啟初邑令劉芳題刻砥流二字爲邑西迴瀾之障龍耳石 在縣南青山峽中舊名牛耳知縣童綸異之更名

君子石 縣南七十里趙化鎮二石峙江畔低昂起伏有揖遜狀知縣邱齊雲詩忠信環十邑兩石相向揖河中豈無魚守禮不敢拾因悲縱橫者雨中相對泣

仙人石 縣九十里井廠東上有赤足形明孝廉李

常詩何年赤足踏山頭爲愛竒峯偶一遊靈跡尙存
仙羽化白雲長自繞春秋

海螺堆 在縣青山峽內象若海螺

〔按舊縣志此後有鄧井關及諸橋梁今皆移入關

梁類

雒水 一名釜川以其盤繞縣治有若釜形故名發
源自灌口離堆分流過濛陽下廣漢合金鴈水奔流
三皇潭經簡州資中出內江龍門鎮入富順界南流
過觀音金子灘神井戰灘至縣城東門紆縈向西經
神龜山聖燈山轉東爲青山峽石灰溪又東爲趙化

敘州府志

卷四

山川

六十六

富順

鎮過虎頭城經懷德鎮義和鎮下大磨子入瀘州界
至州城會大江

〔按舊縣志此後有段大令中水考上下二篇今移
入水道

榮溪 縣西南十里發源仁壽由榮縣合東川溝河
至濟東橋入富順界繞公井北流會中溪河東流至
雙河口合威遠龍會河南流過自流井牛心灘百節
灘出峽口東曲流爲重灘仙灘沿灘又東爲詹家井
老鴉灘鄧井關至鎮溪入雒水

鰲溪 縣東五里宋李文淵讀書處後登第故名發

源安息壩屈流爲第一橋過永鎮橋又東南爲洗經橋金鳳寺過觀音橋鰲溪橋尙書李本故里至老鸛嘴流盃池戰灘下入雒水

馬合溪 縣南十五里由梁家橋發源過中下龍橋黃葛埧竹子角流至撒金灘入雒水

黃溪 縣南二十里自南溪石柱山石龍支流至傅家壩入富順界東流爲起鳳場入雒水

之溪 縣東南四十里宋嘉定中邑人吳永錫建亭其上扁曰臨青眉山石正行有歌發源隆昌過石硯山東南流爲龔家橋古佛堂至虎頭城入雒水

敘州府志

卷四

山川

六十七

富順

錫溪 縣東南八十五里會之溪同入雒水

泥溪 縣東南四十里發源牛心山至三官樓琵琶場泥溪口入雒水

龍頭溪 縣東南五十里發源青山羅坡蕩至龍宮廟合泥溪入雒水

起鳳溪 縣南四十里自南溪石橋舖發源至蔡家橋入富順界東北流過龔家橋至起鳳場橫田溪入雒水

豐樂溪 縣南六十里由南溪殷家灘發源至豐樂橋毛家橋入富順界過觀音橋至石灰溪入雒水

石王溪 縣南五十里近竹巖洞

石灰溪 縣南五十里發源仰天舖東北流爲梅家

灘石板灘至溪口入雒水內產煤炭可通小舟

銀蛇溪 縣南六十里發源南溪由跳磴子入富順

界過林家洞五里壩至趙化鎮上入雒水溪口有石

盤水泛相蕩成泡影如蛇形上下波中故名明提督

趙某有詩今不存邑人萬邦憲詩一泓澄澈啟潛修

變作銀蛇今幾秋水繞碧波金甲見溪平石磴玉鱗

收閒隨光霽爲舒卷不逐煙雲挽去留神化古今看

不盡銀河滄海自同流

石鹿溪 縣南七十里發源江安至懷德鎮入雒水

有石形如鹿伏溪口故名通志謂之支江並舊志

按明統志支江流經安夷鎮入資江卽此溪也寰

宇記瀘川縣下云支江水從富義縣鴛鴦池屈曲

方至城下與汶江合蓋誤以支江爲資江矣舊通

志云自南溪縣鴛鴦圻分流又東至瀘州入資江

愈誤通志疑卽雒水異名亦不合

蘆溪 發源邑西七十里之石板寺山下經高灘寺

田壩至壩其流始大北過胡家橋郭家沱車底洞東

流經桂花橋由蔡家洞瀑布而下繞葫蘆堡至賈壩

北折過七星橋經天符殿山下至王家渡右北入滎

溪河

新縣志增

觀音溪 縣西二十里從石研山發源至觀音堂入

滎溪河計長五里

並舊縣志

鐵錢溪 源出邑西七十里之杉樹河東北流至鹽井溝過張家壩入豹子塢溪水曲折至三座橋又會文壩田壩水東流至黃古灘其流益大又東南流細河子水由洗馬蕩下注之又北折過廖橋彭家橋入鐵錢溪至鄧井關內東入滎溪河

原按舊志云在縣西南二十里發源宜賓之田平

敘州府志

卷四

山川

六十九

富順

灘入富順界東北流過梁家橋又東北爲彭家橋至鄧井關入滎溪查宜富界水有雷灘洞河此水無由越之而至鐵錢者以田平灘爲水之源是據其近溪數里者以爲源而源流之分合未討也

新縣志

志

鎮溪 俗名眞溪水之爲名不一皆隨地以爲名鎮溪以其出口而名之也源出下西去城百十里外其初有二源一出宜賓之牛溪灘一出邑西蒲壩之檬子嘴檬子嘴之水下流至盧崖陡迅瀑布數十丈而下右會小溪水曲折西流經西房溝又西過二郎灘

至黑龍蕩與牛溪灘水合始南流過觀音橋至孔灘
場爲宜富界水又南流至天生橋宜賓倒石橋水東
注之東折至東南橋觀音橋雷灘洞梅潭李家橋車
橋雙橋東南流經杜克橋鋸子橋高洞至百節子可
通小舟又過檀標寺貓兒峽至鎮溪口東入滎溪河
原按舊志源出踏箭由臨江寺入富順界過雙橋
杜快舖東南流爲檀標寺貓兒峽至鎮溪口入滎
溪河查出踏箭是別一水南來入此溪非此水之
經流也以爲鎮溪之源是舍遠而取近又以杜克
橋爲杜快舖殊誤

新縣志

南灘溪 縣西六十里發源馬耳壩至小溪井入滎
溪河

小河溪 縣西五十里發源內江楊家舖由牛口入
富順界東南流爲黑鉛灘長灘河過響水洞陶家橋
至仙灘腦入滎溪河

苦竹溪 縣西五十里從雙橋發源東流爲倒石橋
雷家洞倒崖蕩至楊柳溪入滎溪河

洪灘溪 發源宜賓由大洞小洞入富順界東北流
過舒家灘至雙河口合小溪東北爲胡家橋至鉛灘
腦洪灘入滎溪河

馬落溪 縣西一百里由宜賓發源至五家堰入富順界過新橋馬落洞下洞寺至公井大灘入榮溪河
陡溝溪 縣北二十里產九節菖蒲溪長三里在獅子灘腦入雒水

牟溪 縣北三十里發源高洞過蕭家橋羅家橋小魚洑大魚洑至三官樓入雒水

沙溪 縣北四十里發源向家嘴過雙溪橋至牛腹渡下流入雒水

林家溪 縣北五十里由慈竹林發源至曹堰溪口入雒水

敘州府志

卷四

山川

七十一

富順

賴雅溪 縣北八十里由內江發源至威家坡過邱公橋入雒水

西湖 在縣署右舊志湖濶六七里荷芰菰蒲蔚然蒼翠菱蓼花開紅綠相映夜氣澄清明月波光水天一色自宋至今名公士大夫極游觀之樂上有超然臺吹香愛蓮亭皆廢按舊志云湖濶六七里以宋明時城包馬腦山至凌雲山故湖身甚濶後城裁約湖亦狹小又爲居人墾田今僅一里許其水入於雒水
采知監周廷雋詩湖面平如紙湖心淺可篙臺亭隴畝竹柏出蓬蒿騰騰浮日腳濛濛下雨毛絮黏萍

草合香起芰荷高，祛暑藕添荔行春。李對桃橫斜梅
蘸影，曲折水歸糟洞蔭清涼。甚山高氣象，豪羣鷗展
畫軸，巨鯽供庖刀。賀老應須妬房公，未足褒莫教辜
景物。那得欠風騷。宋知監陳驤詩飽聽西湖似輞川
有懷無處問長年，四山攢碧爭爲地。一水涵空未補
天。春風楊柳早藏鴉，秋水芙蓉晚著花。細數一年湖
上景，天涯行客忍思家。鷺盟鷗社曰追攀，識面龜魚
慣往還。拄杖過橋時問訊，何人得似使君閒。明邑人
周載詩湖裏乘船天上坐，好懷未許俗人知。一川花
柳曉春烏，水面無風舟自移。明副使顏正詩十里荷

香二頃湖水禽翻浪，俗菰蒲扁舟蕩。漿弄明月疑是
坡仙載酒圖，明教諭李皓詩娟娟月照水雲鄉。寒露
澄清萬頂涼，雲母帳懸鸞鏡影。水晶簾映兔毫光，蘆
花飛雪成秋早。桂蘂攢金向晚香，自是水天同瑩澈。
濯纓何必問滄浪。汪回顯詩渺渺平湖傍，郭西娟娟
秋月望中迷。瓊樓十二峩眉淡，銀界三千兔影低。有
客振衣來赤壁，何人攀桂躡丹梯。撫懷對景新題句
添得水草映璧奎。鍾禧答友人招飲西湖詩湖光山
色最宜秋，君不來招也去遊。已辦蜀川千丈錦，爲誰
今日盡纏頭。萬頃西湖水貼天，芙蓉楊柳帶愁煙。湖

邊爲問山多少若個峯頭住一年

國朝侍讀樊澤達詩憶昔聞名展畫圖誰知此處有西
湖荷香十里曾無異桂發三秋總未殊草木愁牽清
露挹園林客去晚霞孤重來記取臨秋爽帶月還看
水面鳧知縣俞起運愛蓮亭詩湖蓮望無極花發香
風生愛此不忍釋湖口結四楹蒲草蝕湖面趨牛駕
犁耕根固犁不盡觸水水不平引鎌割蟠結蕩水分
縱橫牛拖更人拽除盡水始清亭影直倒映雲光亦
倒傾鶻鷁啄蓮實不與凡鳥爭飄飄何所似鵝鴨堪
共盟湖魚喫水藻游泳多不驚是時紅衣落翠盤擎

敘州府志

卷四

山川

七十三

富順

萬莖時值秋雨來耳碎瓊珠聲當前是幽意何須待
花明及時便行樂覽賞攜茶鐺羣山繞一湖崢嶸復
盈盈令我俯仰間心日出市城邑令劉上駟愛蓮亭
詩四面山攢碧湖天舊有名花緣香奪艷月與水爭
明應供提攜樂宜尋鷗鷺盟請看橋畔柳春暖欲藏
鶯淨直閣詩高閣臨湖曲窗開面面幽晴嵐全襲帳
泠翠半迷舟蒼白隨雲變宮商叶水流還須迎爽氣
拈韻滌冰甌隆昌知縣朱雲駿詩晴光浮暖翠花嶼
愜相於半舫客初到一湖煙有餘清風拂襟袖天籟
雜樵漁宛在西泠畔澄潭浸碧虛

孝泉 縣東南六十里錫溪上孝子黃璿故里

溫涼泉 縣北二十五里龍溪旁冬溫夏涼溫可浴

涼可飲故名

龍池 在明倫堂西角明崇禎十四年知縣貢以達

石刻聯額及詩

乾蓮池 在城隍廟今廢

飲馬池 城南五里勸農山下

桂池 城東五里東山寺內

百支池 城西北四十里引以灌田支派不一故名

利濟池 九域志用此水淋灰卽鹽晒乾自鹹

敘州府志

卷四

山川

七十四

富順

仰天窩池 縣西九十里自流井池在山頂周遭一

里水清澈四時不漲亦不涸

龍潭 在縣小東門外

五龜潭 縣西十里巖上石突出似龜形者五旱禱

輒應

龍王潭 在趙化鎮下渡寬濶靜深潭首有巨石如

龍故名

黑龍潭 在馬頭溪水色深黑相傳有龍潛伏禱雨

輒應

驢兒潭 在高灘溪相傳有水驢時或出見

戰灘 縣東十里亂石叢集浪聲洶湧遇靜夜聲達城中

棹子角灘 縣南二十五里水勢灣曲洄折最險

黑龍灘 縣西六十里出貓兒峽入鎮溪

牛耳朶 縣南五十里多亂石大水險迅

洞梁灘 在縣西鄧井關水涸槽狹碕高舟用多人

牽挽始上甚險

老鴉灘 縣西北二十里水涸險

沿灘 縣西五十里水涸亂石叢集貨載盡出空舟

牽挽始上前上下舟隻相爭多致構訟知縣熊葵向

敘州府志

卷四

山川

七十五

富順

諭令以單雙曰分上下里人龍源記其事至今爲例舟人賴之

仙灘 縣西六十里灘長五里多亂石水涸甚險

百節灘 縣西九十里自流井中多巨石大水甚險

牛心灘 在自流井亂石嶙峋水涸大舟不能上

黃泥灘 獅子灘 龍貢灘 荒灘 葛仙灘

俱在縣東

鑽子口 鐵碓嘴 洒金灘 巖磳灘 石狗灘

俱在縣南

大灘 孔灘 俱在縣西

芹井 在文廟丹墀內春秋丁祭用滌祭器

月巖井 在中巖相傳共有七井今有五井尙存

同心井 在同心山麓相傳葛仙取井水煉丹水清

冽盈滿

文昌井 在文昌祠下

西湖井 在西湖堤上並舊志